

REFERAT AIA - Aningaasaqarnermut Inuussutissarsionermullu Ataatsimiititaq d. 25-06-2020

Mødedato Torsdag d. 25. juni 2020 kl. 18:00

Mødested Kommunalbestyrelsen ataatsimiittarfia

Indholdsfortegnelse

Saqqaa.....	3
Oqaluserisassat akuersissutigineqarneri.....	4
Nalunaarutit.....	5
Ilisimatitsissutit.....	7
Nuummi pinnguartarfinnik pioreersunik ikkussueqqinneq.....	8
Ineriartortitsinissamut Pilersaarut pillugu killiffimmik nalunaarusiaq MI 2017-2020.....	11
Ukiumoortumik nalunaarusiat 2019 MI - Ikiorsiissuteqarfimmi neqeroorutit.....	15
Aalajangiiffigisassat.....	18
Suliat Kommunalbestyrelsimut ingerlateqqitassat.....	19
Kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaa	20
Kommunimut pilersaarummut tapiliussamut 3C8-1 siunnersuut Qernertunnguit, Nuuk.....	25
Kommunimut pilersaarummut tapiliussamut siunnersuut 1C12-5 Aqutsisoqarfik (Nuuk Center), Nu	29
Sinerissap qanittuani aalisarneq pillugu immikkoortumut pilersaarutitut siunnersuut.....	33
Kommunimut pilersaarummut tapiliussap 1C39-1, Sømandshjemmi Nuuk inaarutaasumik akuersiss	37
Paamiut pillugit isumaqatigiissut 2020 pillugu ukiumoortumik killiffik pillugu nalunaarusiaq.....	41
Inuit innarluutillit pillugit Siunnersuisooqatigiit ataatsimiinnerisa ataavartumik paasissutissiissutigi	44
Utoqqaat pillugit Siunnersuisooqatigiit sulinerisa ingerlanerat pillugu ataavartumik ilisimatitsissute	48
Misip 2019-imut ukiumoortumik nalunaarusiaanik ilisimatitsissut.....	51
COVID-19 pillugu upalungaarsimaneq pillugu ilisimatitsissut.....	55
Inuusuttut Kommunalbestyrelsiata innersuussutaasa killiffii.....	60
Nuummi E-sporterneq.....	65
Ataatsimiititat angalanissaat pillugit eqqartuineq.....	69
Taasariaqartut allat.....	72
Lukket.....	73
Lukket.....	74
Lukket.....	75
Lukket.....	76
Imaqarniliap akuerineqarnera.....	77

Punkt 0: Saqqaa

Ilaasortat

Charlotte Ludvigsen (IA), *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Justus Hansen (D)

Jens Kristian Berthelsen (S)

Peter Davidsen (S)

Beslutning

Ataatsimeeqataasut: Charlotte Ludvigsen (IA), Harald Bianco (IA), Justus Hansen (D), Peter Davidsen (S) aamma Ane Egede Mathæussen uunga Jens Kristian Berthelsen sinniisuuvoq (S)

Oqarasuaatsikkut: Charlotte Pike (IA) aamma Henrik Rachlev (IA)

Peqataasinnaanatik nalunaartut: Jens Kristian Berthelsen (S)

Punkt 1: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt 2: Nalunaarutit

Siulittaasumit nalunaarutit

Beslutning

1. Juunip 21-iani Inuiattut Ullorsiornermi assigiinngitsunik aaqquissuussisoqarpoq - immitsinnut tikilluta qarasaasiakkullu. Kommuneqarfik Sermersooq ullup ingerlanerani qarasaasiakkut sisamariarluni aallakaatitsivoq, malinnaaffigineqarluartumik, assersuutigalugu ullakkut aallakaatinneqartoq 7.800-nit malinnaaffigineqarsimavoq Qarasaasiakkut aallakaatitsinerit pillugit kommune nersualaarneqarluarpoq. Nuummi inuit katersuuffiini Nuummi Katersugaasivik, Illorput aammalu Nuummi Eqqumiitsulianik Saqqummersitsivik aaqquissuussani ornigarluarneqarput, isertussat killilersuiffiginissaanut ajornartorsiutitaqanngitsumik. Inuiattut Ullorsiornermi Paamiuni, Ittoqqortoormiini Tasiilamilu pisarnertut aaqquissuussisarnerit erfalasulernerq aammalu silami unammiaarnerit ingerlanneqarsimapput inuppasuarnit peqataaffigineqanngikkaluartumik.
2. 2020-mi Juullip orpianik ikitsinermit tunngatillugu, Nuummi Arsiffimmi sanaartortoqarnera pissutigalugu sumiiffimmik nutaamik/nutaanik toqqaasoqassaaq. Siullermik apeqqut tamanna Kommuneqarfigamut ilanngunneqassaaq, tassuunakkut innuttaasut inissiiffissatut kissaatigisaminnik saqqummiussisinnaaqqullugit.
3. ”Kalaallit Nunaanni Kulturikkut Suliaqartut Attaveqatigiiffiat” Katuami aaqquissuunneqartoq, tassaavoq Nunatsinni kulturikkut suliaqartut kommunillu tamarmik peqataatitaqarfiat. Tamatumani siunertarineqarpoq kulturimik suliallit pitsangorsakkanik atugassaqartitaalernissaat. Sulineq pillugu paasisutissiisummik Kulturimut Naalakkersuisumut, Inatsisartunut ilaasortanut borgmesterinullu tamanut allakkanik apuussisoqarqammerpoq. Ilinniartitaanermit, Kulturimut Ilageeqarnermullu Naalakkersuisoqarfik septemperi 2020-mi Kulturi pillugu isumasioqatigiissitsiniarpoq, taannalu Kulturimut Aaqquissuussinermullu immikkoortortaqaarfimmit peqataaffigineqarnissaa qilanaarneqarpoq.
4. Ulloq 13. juni borgmester Tassissuumi Paamiuni innutaasunik ataatsimiisitsivoq. Kommunalbestyrelsimi ilaasortat Paamiuneersut innuttaasunik ataatsimiisitsinermit peqataanissamut qaaqquneqarnikuupput. Innuttaasut 50-it sinnerlugit innutaasunik ataatsimiisitsinissamut takkuppet. Ataatsimiisitsinermit borgmesteri COVID-19-ip uagut kommunitinnut sunniutai ilisimatitsissutigai aamma innuttaasunik peqataatitsinermit pilersaarut nutaaq ”kommuneqarfiga” pillugu paasisutissiivoq. Borgmesteri aallaqqaasiilluni ilisimatitsissuteqareerami Sanarfinermit Avatangiisinullu Ingerlatsivimmuut oqaaseqarsinnaatitaaneq tunniuppaa, taannalu Paamiuni maannakkut ingerlatsinermik sanaartornermillu suliassat killiffiannik eqqartuivoq. Ilanngullugu Paamiuni inuussutissarsiornermit siunnersuisooqatigiit nutaat ilisaritinneqarput, tassani kommunalbestyrelsimut ilaasortat Henrik Rachlevip siullermik ataatsimiigiarsimasanut inuussutissarsiornermit siunnersuisooqatigiinnik pilersitsinermit politikikkut eqqarsaatersuutit tunuliaqutaasut oqaluttuarai. Naggataatigut innuttaasut nerrivinni eqimattakkarlutik oqaluuserinninnissaminut periarfissinneqarput, suut isorisatik isumassarsiatillu borgmesterimut anngukkusutatik eqqartorlugit. Innuttaasut eqqarsaataat allanneqarput borgmesterimullu tunniunneqarlutik, borgmesterip taakkua oqaaseqarfigai ataatsimiinnermit peqataaffigineqarluartumut innuttaasunut qujassuteqannginnermini.
5. 14. aamma 15. juuni Nunaqarfimmi Aqutsisut isumasioqatigiissinneqarput. Nunaqarfimmi Aqutsisut Tunumeersut Tasiilami isumasioqatigiippat, taavalu Kitaani Nunaqarfimmi Aqutsisut Paamiuni. Isumasioqatigiissitsineq qarasaasiakkut attaveqatigiilluni ingerlanneqarpoq videokonference atorlugu, taannalu ingerlalluarterujussuuvoq. Siusinnerusukkut oqaatigineqareersutuut, isumasioqatigiinneq pillugu nalunaarut piareeriarpat kommunalbestyrelsimut aamma KANUNUPE-mut nassiunneqarumaarpoq.
6. Kommunimi Inuussutissarsiornermit Siunnersuisooqatigiit inissitsiterlutik siullermeertumik ataatsimeereerput Nuummi, Paamiuni Tunumilu. Ataatsimut isigalugu Inuussutissarsiornermit Siunnersuisooqatigiit tamarmik najukkaminni ineriartortitsinissamut isumalluarpalupput. Siulittaasutut makkua qinerneqarput. Nuummi – John Jakobsen; Paamiuni – Ortooraq Møller; Tunumi - Thomas Kristensen. Inuussutissarsiornermit Siunnersuisooqatigiit aamma Aningaasaqarnermit Inuussutissarsiornermullu Ataatsimiititap aggustimi ataatsimeeqatigiinnissaat pilersaarutaavoq.
7. Juunip ulluisa 19-iani borgmesteri Isumaginninnermit Inatsiseqarnermullu Naalakkersuisumit Martha Abelsenimit ilisimatitsinertalimmik ataatsimeeqatiserineqarpoq. Naalakkersuisup Ittoqqortoormiini juunip ulluisa qulingiluaanni qulingannilu angalasimaneq ilisimatitsissutigaa. Naalakkersuisup Martha Abelsenip saniatigut, Peqqinnissamut Naalakkersuisoq aammalu Ilinniartitaanermit, Kulturimut, Ilageeqarnermullu Naalakkersuisoq piffissami pineqartumi Ittoqqortoormiineeqataasimapput.
8. Ataatsimiititap kingullermik ataatsimeereernerani piffissamik sivikitsuinnarmik piffissaliillunga ataatsimiititanik ataatsimiigiaqquisinnaanera misissorpara. Susassaqaarfimmut tunngatillugu inatsisitigut periarfissaareemat, suliaq tassunga killeqartoq borgmesterip nalilerpaa.

9. Hans Egedep eqqaassutissaa qanoq pineqassanersoq aasap ingerlanerani tusarniutigineqassaaq. Inerera kommunalbestyrelsip septembarimi ataatsimiinnerani oqaluuserineqassaaq.

Punkt 3: Ilisimatitsissutit

Punkt 03A: Nuummi pinnguartarfinnik pioreersunik ikkussueqqinneq

Beslutning

Ilisimatitsissut tusaatissatut tiguneqarpoq.

Nuummi pinnguartarfinnik pioreersunik ikkussueqqinneq

Ilisimatitsissut

J.nr.: 17.05.00

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Nuummi meeqqerivinnik atuarfimmillu nutaamik sanaartornermut atatillugu piffissami kingullermi pinnguartarfiit arlallit piiarneqarput. Sanaartugassanik suliassinneqartartut aallartereersimasut taakkuningga piaanissaannut kiisalu kommunip materialegårdianut inissiinissaannut qinnuigineqarsimapput, taamaalilluni pinnguartarfiit allani napparneqaqqissinnaaniassammata.

Suliaq Sanarfinermut Avatangiisinullu Ataatsimiititap juunip 15-ianni 2020-mi ataatsimiinnerani oqaluuserineqarpoq, ataatsimiititallu Nuummi Nuutoqqami Nuussuup Mannguanilu pinnguartarfiit pioreersut nappaqqinnissaannut inassuteqaat akuersissutigaaq suliarlu ilisimatitsissutitut Aningaasaqarnermut Inuussutissarsiornermullu Ataatsimiititamut ingerlateqqinneqarpoq.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Nuuk Playgroundimi arsaattarfik ivigaaraasalik pioreersoq ukiuni tulluittuni sanaartugassamik suliassinneqartartumit immikkoortumi atuarfiliortussamit sanaartorfittut atorineqassaaq, taamaattumillu atuarfittaap nutaap naammassinissaata tungaanut arsaattarfik innuttaasunit atorineqarsinnaassanngilaq.

Meeqqeriviliornermut atatillugu immikkoortuni pinnguartarfiit timersuutillu piaarneqassapput. Sanaartugassanik suliassinneqartartumik isumaqatigiissutigineqarpoq, atortut piaarneqassasut kommunillu materialegårdiani toqqorneqarlutik, taamaaliornikkut atortut illoqarfimmi allami napparneqarniassammata.

Aaqqiissutissatut siunnersuutit

Sanaartorfiit taakku marluk Nuummi illoqarfiup qeqqaniimmata meeqqanut inuusuttunullu silami sukisaarsaartarfiit ikilissapput. Sanarfinermut Avatangiisinillu Ingerlatsiviup kiisalu Peqqinneq Susasaqartitsinerlu pillugit Immikkoortortap silami atortut Nuummi sumiiffinni allani nappaqqinneqarnissai kissaatigaaq, taamaalilluni piffissami qaninnermi Nuummi silami sukisaarsaartarfissatut periarfissat ikilisinneqassanngimmata.

Qapiarfiusaami pinnguartarfimmi atortut pioreersut trampolinillu toqqorsivimmiittut Nuup Katersugaasiviata tunuani inissinneqarsinnaapput, siunissami Nuutoqqami allamik sanaartornissamik aalajangiisoqarnissaata tungaanut.

Pinnguartarfiit timersuutillu sinneri ilaatigut Qapiarfiusaamiittut, trampolinit toqqorsivimmiittut ilanngullugit, illoqarfimmi Nuussuup Mannguanu sammisassaqartitsivimmut nutaamut atatillugu aqut sinerlugu inissinneqarunik iluaqutaassaaq.

Aningaasatigut naliliineq

Pinnguarterfinnik timersuutinillu ikkussuinnermut aningaasat killiliussani maannakkut pioreersunit aningaasaliiffigineqarsinnaasut nalilerneqarpoq.

Ingerlariaqqinnissaq

Inassuteqaatit politikikkut akuerineqassappata, Sanarfinermut Avatangiisinullu Ingerlatsiviup suliassamik saqqummiussami matumani sumiiffinnut taakkartorneqartunut silami atortut nappaqqissavaat.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Siunnersuut Peqqinneq Susassaqartitsinerlu pillugit Immikkoortortaq suleqatigalugu sularineqarpoq.

Oqaaseqaatigineqartut allat

Allamik oqaaseqaatitaqanngilaq.

Siusinnerusukkut aalajangiinerit:

Sanarfinermut Avatangiisinullu Ataatsimiititap aalajangiinera 15. juuni 2020-meersoq:

Inassuteqaat akuersissutigineqarpoq ima oqaaseqaatitalerlugu: Nuummi aserorterisarnert pinaveersaartinniarlugit pinnguarterfiit amerlanerit pilersinneqassasut Siumumiit kissaatigineqarpoq

Ilanngussat

Soqanngilaq.

Punkt 03B: Ineriartortitsinissamut Pilersaarut pillugu killiffimmik nalunaarusiaq MI 2017-2020

Beslutning

Ilisimatitsissut tusaatissatut tiguneqarpoq.

Bilag

Killiffik pillugu nalunaarusiaq aqqanilissaat, kvartali siulleq 2020

Suliassanut pilersaarut 2017-2020 (nutartigaq)

Killiffik pillugu nalunaarusiami Deloitteq oqaaseqaatai

Ineriartortitsinissamut Pilersaarut pillugu killiffimmik nalunaarusiaq MI 2017-2020

Killiffik pillugu nalunaarusiaq aqqanilissaat, kvartali siulleeq 2020

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

Suliassamik eqikkaaneq

Ineriartortitsinissamik pilersaarummut 2017-2020 tunngatillugu, tassanilu suliarineqartussat ilanngullugit, Meeqqanut Ilaqutariinnullu Ingerlatsivimmit killiffit pillugit 2019-imi kvartalimi siullermi nalunaarusiarineqarput.

Killiffimmik nalunaarusiap suliarinerani siunnersuinikkut ilitsersuinikkullu Deloittep ingerlatsivik suleqatigivaa.

2019-imi kvartalimi siullermi killiffik pillugu nalunaarusiaq pingasunut avinneqarpoq:

- Ingerlatsiviup killiffik pillugu nalunaarusiaa
- Suliassat pillugit pilersaarut nutartigaq
- Deloittep innersuussutai:

Suliaq Meeqqanut Ilaqutariinnullu Ataatsimiititami juuniip 11-iani 2020-mi ataatsimiinnerani oqaluuserineqarpoq, tassani Ataatsimiititamit inassuteqaatigineqartut imatut oqaaseqaatitalerlugit akuersissutigineqarput: Ataatsimiititap tullianik ataatsimiinnissaanut pitsaaliuineramik siunnersortinik marlunnik orniguttoqarnissaa kissaatigineqarpoq, ukiup ingerlanerani sulianik neqeroorutigineqartunillu nassuiaassartortunik. Ataatsimiititap tullianik ataatsimiinnissaanut pitsaaliuineranut tunngasunik sunik suliniuteqartoqassanersoq eqqartorneqassaaq; suliarlu Aningaasaqarnermut Inuussutissarsiornermullu Ataatsimiititamut ilisimatitsissutitut ingerlateqqillugu.

Inassuteqaat

Meeqqanut Ilaqutariinnullu Ingerlatsiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ingerlatsivik 2020-mi kvartalimi siullermi meeqqat ilaqutariillu inuuniarnermikkut ajornartorsiuteqartut pillugit politikkimik nutaamik pilersitsivoq. Politikkip pinaveersaartitsineramik suliaqarneq qitiutippaa, tamannalu suliniutissani allaaserineqarpoq. Tassunga uiggiullugu, kvartalimi siullermi Meeqqanut Ilaqutariinnermullu Ingerlatsivik suliniutinut ingerlatsivimmi ilaqutariinnut immikkoortortaqaqfinni amerlilgaluttuinnartunut annertuumik qitiutitsivoq. Tamassuma kinguneraa ingerlatsivimmi aqutsisut oqartussaaffeqarfimmik allangortiterinermi periusissiamik akuersissuteqarnerat, avataanut inissiisarnermi annerusumik suliatigut ukkatarinninnerulersitsilluni.

Ingerlatsiviup politikianut nutaamut ilassutitut lkiorsiissarfimmilu Immikkoortortaqaqfimmil annertuumik immikkoortumut nassuiaat, kiisalu Nuummi Paamiunilu neqeroorutit tamarmik suliassartaasa allaaserineqarnerat suliarineqarput. Tamaat isigalugu Ingerlatsiviup suliai ineriartorfusimapput. Qulaani taaneqartuni saniatigut Nuummi Upalungaarsimaneq aallartippoq, angerlartitsinissarlu aallartisareerpoq. Taassuma saniatigut qimarnguik ineriartortinneqarpoq,

Nuummi Paamiunilu Oqartussaaffeqarfimmut Ikiorssiisuteqarnermullu suliassaqarfik kommunimi ESDH-systemimut nutaamut, GetOrganized-imut nuunneqarput.

Aaqqiissutissatut siunnersuut – suliatigut naliliineq

Suliassatut pilersaarutit malillugit ataatsimut isigalugu Ingerlatsivik malinnaavoq. Deloitte-llu innersuussutai tunngavigalugit Ingerlatsiviup eqqumaffigissavai:

- Suliat malinnaaffiginerat annertunerulissasoq qaammatillu aallaqqaataani suliat amerlassusaat, suliat nutaat kiisalu suliat naammasseriikkat nassiuteriikkallu naatsorsorneqartassasut innersuussutigineqarpoq.
- Suliunnaarnermi oqaloqatiginninnermi aalajangersimasumik periuseqartoqartassasoq – suliunnaarnermullu atatillugu oqaloqateqarnissamut najoqqutassiaq sularineqassasoq innersuussutigineqarpoq.
- Ataavartumik atukkanik misissuisoqartarnissaa innersuussutigineqarpoq.
- Suliani ataasiakkaani aaqqissuulluakkamik aqutsineq pilersinneqassasoq innersuussutigineqarpoq.
- Suliniuteqarfinni ataasiakkaani suliatigut aqutsinermik nakkutillineq aaqqissuunneqassaaq uppersarneqassasorlu innersuussutigineqarpoq.

Oqaaseqaat tusaatissatut tiguneqarpoq.

Taassuma saniatigut Deloitte innersuussivoq nutaanik kisitsisinik anguniagassiisoqarnissaanik. Kisitsisit anguniakkat atuuttut killiffik pillugu nalunaarusiat aqqarnnganni iluarsineqareerput, taamaalilluni kisitsisit misissorneqartut ESDH-systemimi GetOrganized-imit kisitsisinut naleqqutissallutik. GetOrganized-imit kisitsisit tutsuiginartut pissarsiarineqarnissaat periarfissaalertinnagu Ingerlatsivik kisitsisinik nutaanik anguniagaliussanngilaq. Tassunga ilassutitut Deloitte-llu innersuussutigaa suliat annertussusaasa naatsorsornissaannut ilitsersuusiortoqarnissaanik, taamaalilluni Nuummi, Tasiilami, Paamiuniluunniit kisitsisinik anguniakkanik naatsorsuineq malitseqartitsinerlu assigiimmik ingerlanneqassalluni. Tamanna tusaatissatut tiguneqarpoq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaaitallit

- o Ineriartortitsinissamut Pilersaarut MI 2017-2020

Ingerlariaqqinnissaq

Ineriartortitsinissamut Pilersaarut MI 2017-2020 naapertorlugu ineriartortitsinissamut sulineq ingerlateqqinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Siusinnerusukkat aalajangerit:

Meeqqanut Ilaqutariinnut Ataatsimiititap juunip 11-iani 2020-mi aalajangiinera:

Inassuteqaat akuersissutigineqarpoq.

Ilanngussat

1. Killiffik pillugu nalunaarusiaq aqqanilissaat, kvartali siulleq 2020
2. Suliassanut pilersaarut 2017-2020 (nutartigaq)
3. Killiffik pillugu nalunaarusiami Deloitteq oqaaseqaatai

Punkt 03C: Ukiumoortumik nalunaarusiat 2019 MI - Ikiorsiissuteqarfimmi neqeroorutit

Beslutning

Ilisimatitsissut tusaatissatut tiguneqarpoq.

Bilag

Ukiumoortumik nalunaarusiaq 2019 – Meeqqanut Ilaqutariinnullu Sullissivik Paamiut

Ukiumoortumik nalunaarusiaq 2019 – Meeqqanut Ilaqutariinnullu Sullissivik Nuuk

Ukiumoortumik nalunaarusiaq 2019 Inuusuttunut Sullissivik (Inuusuttunut Sullissivik Nuuk)

Kalaallit Nunaanni ulloq unnuarlu angerlarsimaffiit pillugit ukiumoortumik nalunaarusiaq 2019 (Tupaarnaq)

Ukiumoortumik nalunaarusiat 2019 MI - Ikiorsiissuteqarfimmi neqeroorutit

”Pinaveersaartitsinermut aamma Meeqqat Ilaqutariinnillu katsorsaanermit immikkoortortaqaqarfimmit” Sullissivinniit ukiumoortumik nalunaarusiat

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

Suliassamik eqikkaaneq

Suliaq imaqarpoq ukiumoortumik nalunaarutit ukunannga:

- Nuummi Meeqqanut ilaqutariinnullu Sullissivimmiit
- Paamiuni Meeqqanut ilaqutariinnullu Sullissivimmiit
- Nuummi Inuusuttunut Sullissivimmiit
- Ulloq unnuarlu paaqqinniffik Tupaarnamiit

Ukiumoortumik nalunaarutit piffinni aqutsisuniit suliarineqarsimapput, 2019-imilu sullissiviit ulluinnarni ingerlanneqarnerannut suliniutinillu ingerlanneqarsimasunik imaqarlutik.

Suliaq Meeqqanut Ilaqutariinnullu Ataatsimiititami juunip 11-iani 2020-mi oqaluuserineqarpoq, ataatsimiititap innersuussut akuersissutigaa suliarlu Aningaasaqarnermut Inuusutissarsiornermullu Ataatsimiititamut ilisimatitsissutit ingerlateqqillugu.

Inassuteqaat

Meeqqanut Ilaqutariinnullu Ingerlatsiviup Aningaasaqarnermut Inuusutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Ukiumoortumik nalunaarutit sullissiviit aqqissugaanerannik, illuutit atorneqarnerannik, siunertaannik, aqutsinermik, sulisoqarniarnikkut inissisimaneq, aningaasaqarneq, sulinermit periutsit, neqeroorutit ataasiakkaat qanoq imaqarnerannik, suliniarfigisat kikkuunerinik, suliaqarfillu akornanni suleqatigiinnermik kiisalu ineriartornissamut periarfissat allaaserineqarnerannik imaqarput.

Kiisalu aamma 2019-imi unammillernartuusimasut aaliangersimasut ilanngullugit paasissutissanik imaqarput, suliniutit immikkuullarissut aamma kisitsisitigut paasissutissanik imaqarlutik.

Aaqqiissutissatut siunnersuut – suliatigut naliliineq

Nalunaarusiat tunngavigalugit nalilerneqarpoq, sullissiviit pineqartut kommunip suliassaqaafiisa iluanni ikiorsiinermi neqerooruteqarnermikkut pisussaaffitsik naammassisimagaat.

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppersaatitallit

- o Meeqqat taparserneqarnissaannut Inatsisartut inatsisaat nr. 20, 26.juni 2017-meersoq

Ingerlariaqqinnissaq

Sullissiviit pineqartut ataavartumik neqeroortigisatik ineriartortittuarpaat, suliniarfigineqartut sapinngisamik pitsaasumik neqeroorfigineqarnissaat anguniarlugu.

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangernerit:

Meeqqanut Ilaqutariinnut Ataatsimiititap juunip 11-iani 2020-mi aalajangiinera:

Inassuteqaat akuersissutigineqarpoq.

Ilanngussat

1. Ukiumoortumik nalunaarusiaq 2019 – Meeqqanut Ilaqutariinnullu Sullissivik Paamiut
2. Ukiumoortumik nalunaarusiaq 2019 – Meeqqanut Ilaqutariinnullu Sullissivik Nuuk
3. Ukiumoortumik nalunaarusiaq 2019 Inuusuttunut Sullissivik (Inuusuttunut Sullissivik Nuuk)
4. Kalaallit Nunaanni ulloq unnuarlu angerlarsimaffiit pillugit ukiumoortumik nalunaarusiaq 2019 (Tupaarnaq)

Punkt 4: Aalajangiiffigisassat

Soqanngilaq.

Beslutning

Soqanngilaq.

Punkt 5: Suliat Kommunalbestyrelsimut ingerlateqqitassat

Punkt 05A: Kommunitut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq

Beslutning

Inassuteqaat akuersissutigineqarpoq.

Bilag

Kommunitut pilersaarutaanut tapiliussamut siunnersuut Nunaannarmut pilersaarut 2-2, Nuup eqqaani nunataq

Kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq

Aalajangiiffigisassaq

J.nr.: EMN-2019-01438

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq, siunnersuut matumuuna saqqummiunneqarpoq.

Pilersaarutitut siunnersuummi killeqarfiit sumiiffiillu toqqarneqarput, siunissami sunngiffimmi illuaraliorfigineqarsinnaasut, takornarialerisunut tammaarfiorfigineqarsinnaasut, meeqqeriviit allallu illuaraliorfigisinnaasaat. Maannakkut kommunimut pilersaarummut tapiliussatut siunnersuummi, inuilaarsuarmi piffissami aalajangersimasumi atortunik inaaliinissamut, tupeqarfiliornissamut aammalu utaqqiisaasumik oqquiffissaliornissamut periarfissiisoqassaaq.

Pilersaarutitut siunnersuutikkut matumuuna periarfissaatinneqassaaq, inuussutissarsiornermut atatillugu atugassiamik aqqusinniornissaq imaluunniit takornialerinemik siursaanissamik siunertat pingaernerutillugit ass. ATV-nut assigisaanullu aqqusiortoqarsinnaanera.

Kommunimut pilersaarummut tapiliussatut siunnersuummi matumani immikkoortut ilaat arlallit taaguutaasigut killeqarfiisigulluunniit allangortinneqassapput. Soorlu aamma illuaraqarfioreersuni nutaanik immikkoortulersuisoqassasoq imaluunniit nutaanik illuaraliorortoqarnissaa pisariaqalissappat tamanna periarfissaatinneqassasoq.

Suliaq Sanarfinermut Avatangiisinullu Ataatsimiititap juunip 15-iani 2020-mi ataatsimiinnerani oqaluserineqarpoq, Ataatsimiititalu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamut akuersissanngorlugu ingerlateqqippaa tamanut tusarniaassutigineqarnissaa eqqarsaatigalugu kiisalu Kommunalbestyrelsimut ilisimatitsissutigisassanngorlugu ingerlateqqinneqarpoq.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussa q Nunaannarmut pilersaarut 2-2 Nuup eqqaani nunataq tamanut tusarniaassutigineqarnissaa eqqarsaatigalugu akuersissutigineqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq, siunnersuut matumuuna saqqummiunneqarpoq.

Juuni 2003-mi Nuup eqqaani nunaannarmi illuaraliornissamut pilersaarut pioreersoq akuersissutigineqarpoq, kangerluit nunataanni illuaqqat amerliartuinnarnerat pissutigalugu, taamaninunaminertamik atuinissamik akuersissutit 250-it missaaniippat. Marsi 2020-mi naatsorsorneqarmat kisitsisai allaallutik, aamma illuaqqanik pingasoriaammik amerlanerusunik

peqarnissaanut periarfissiisoqarpoq. Ullumikkut pissutsit imaapput, pilersaarut atuuttoq tamakkiisuujunnaarsimalluni.

Pilersaarutitut siunnersuummi killeqarfiit sumiiffiillu toqqarneqarput, siunissami sunngiffimmi illuaraliorfigineqarsinnaasut, takornarialerisunut tammaarsimaarfigineqarsinnaasut, meeqqeriviit allallu illuaraliorfigisinnaasaat. Siunnersuummi aamma allaaserineqarpoq nunaannarmi illuliassat assigiinngitsut akuerisaasut qanoq ittueneri. Tammaarsimaarfiit eqqarsaatigalugit pineqartut tassaapput takornarialerinermet atorneqartussat, piffissaq tamaat atugassatut napparneqartut, immaqalu ukiut tamaasa atoqqinneqarsinnaasut. Maannakkut kommunimut pilersaarummut tapiliussatut siunnersuummi, inuilaarsuarmi piffissami aalajangersimasumi atortunik inaaliinissamut, tupeqarfiliornissamut aammalu utaqqiisaasumik oqquiffissaliornissamut periarfissiisoqassaaq.

Sumiiffimmut aalajangersakkani nutaani piffissamut sivisuumut nungusaataangitsumik atorneqarnissaanut pilersaarusiortoqarnissaa qulakkeerneqassaaq, nunaannarmi kulturimik pinngortitamillu kingornussaasut, asiartarfittut pingaartitat aammalu assigiinngitsunik illuaraliorqarnissaanik periarfissat eqqarsaatigineqarniassammata. Kangerluit nunataat assigiinngitsorpasuarunik sammisaqarfiusinnaapput, soorlu angallammik angalaarnerit, pisunneq, piniarneq asimilu sammisassat allat. Sumiiffiit sapinngisamik amerlasuunit nuannaarutigineqarnissaat qulakkeerniarlugu, pilersaarummi matumani illuaraliornissamut qaqugumullu atasussanik ikkussugassanut malittarisassaliorqarpoq.

Pilersaarutitut siunnersuutikkut matumuuna periarfissaatinneqassaaq, inuussutissarsiornermut atatillugu atugassiamik aqqusinniornissaaq imaluunniit takornialerinermetik siursaanissamik siunertat pingaarnerutillugit ass. ATV-nut assigisaanullu aqqusiortoqarsinnaanera. Kommunimut pilersaarummut tapiliussatut siunnersuummi matumani immikkoortut ilaat arlallit taaguutaasigut killeqarfiisigulluunniit allangortinneqassapput. Soorlu aamma illuaraqarfioreersuni nutaanik immikkoortulersuisoqassasoq imaluunniit nutaanik illuaraliorqarnissaa pisariaqalissappat tamanna periarfissaatinneqassasoq.

Aaqqiissutissatut siunnersuut – suliatigut naliliineq

Kangerluit nunataat assigiinngitsorpasuarunik sammisaqarfiusinnaapput, soorlu angallammik angalaarnerit, pisunneq, piniarneq asimilu sammisassat allat attatiinneqassasut ingerlatsiviup nalilerpaa. Sumiiffimmut aalajangersakkani nutaani piffissamut sivisuumut nungusaataangitsumik atorneqarnissaanut pilersaarusiortoqarnissaa qulakkeerneqassaaq, nunaannarmi kulturimik pinngortitamillu kingornussaasut, asiartarfittut pingaartitat aammalu assigiinngitsunik illuaraliorqarnissaanuk periarfissat eqqarsaatigineqarniassammata.

Naalagaaffiit Peqatigiit nunarsuaq tamakkerlugu anguniagaat

Kommuneqarfik Sermersuup Naalagaaffiit peqatigiit nunarsuaq tamakkerlugu anguniagai malippai. Taamaattumik Nuup eqqaani nunaannaq, pinngortitamut, kulturikkut kingornussanut aammalu nunami immamilu uumasoqarnera piujuartitsineq tunngavigalugu ineriartortinneqarnissaa qitiutinneqassaaq.



ANGUNIAGAQ 11: Illoqarfiit inuiaqatigiillu attanneqarsinnaasut

11.4 Nunarsuarmiut kulturikkut pinngortitamillu kingornussaannik illersuinerup allangutsaaliuinerullu ingerlanneqarnerata pitsaanerulernissaa.

> illuaraliorneq, atortullu qaqugumut atasussat pilersinneqassapput, qanganitsat kulturitsinnut tunngassuteqartut pinngortitarlu avatangiiserisaq ataqquilluinnarlugit.

11.a *Illoqarfiup, illoqarfiup eqqaata nunaannaallu akornanni aningaasaqarnikkut, inooqataanikkut avatangiisitigullu pitsaasumik ataqatigiinnerit nunami nunallu immikkoortuini ineriartornissamut pilersaarusiorderit pitsanngornerisigut tapersorsorneqassapput..*

> inuilaarsuarmik tikinneqarsinnaasumik paarsilluarneq, illoqarfimmut qanittumiittumik, aningaasat eqqarsaatiginngikkaluarlugit, killilimmillu atortoqarluni.



ANGUNIAGAQ 14: Immami uumasut

14.1 *2025 sioqqullugu imaani mingutsitsinerit suulluunniit pinngitsoortinneqarlutillu annertuumik ikilisinneqassapput, pingaartumik nunamik tunngaveqartumik ingerlatanit pissuteqartumik mingutsitsinerit, tassunga ilanngullugit imaani eqqakkat aamma inuussutissanit mingutsitsineq.*

> nunaannarmi pinngortitaq avataaniittoq ataqquilluinnarlugu angallattoqassaaq. Eqqakkat anartarfiillu imaat inatsit atuuttoq naapertorlugu suliarineqassapput.



ANGUNIAGAQ 15: NUNAMI UUMASSUSILLIT

15.1 *2020 nallertinnagu nunami imermi, pingaartumik orpippassuarni, masarsoqarfinni, qaqqani aammalu panertoqarfinni nunat tamalaat akornanni pisussaaffiliussat naapertorlugit uumassusileqarfinnik piujuaannartitsinissaq, pilersitseqqinnissaq piujuaannartitsinerlu tunngavigalugu atorluannaissaq qularnaassallugu.*

> illuaraliorusuttut amerliartoraluartut, tikinneqarsinnaaneralu annertusiartoraluartoq, pinngortitaq assissaqanngitsooq qaqqaqarfiusooq paarilluarneqassaaq Kangerloqarfimmilu uumasut piujuartitsisumik nungusaataangitsumik atorluarneqassallutik.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppemarsaatitalit

Kommunimut pilersaarummut tapiliussatut siunnersuutit tullinnguuttut uku tunngavigalugit suliarineqarpoq:

- Pilersaarusiorderneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. decembari 2015-imeersoq
- Kommunimut pilersaarut digitaliusooq www.sermersooq2028.gl

Ingerlariaqqinnissaq

Siunnersuut tamanut tusarniaassutigineqassaaq.

Kommunimut pilersaarummut tapiliussaq una Nunaannarmut pilersaarut 2-2 Nuup eqqaani nunataq akuersissutigineqarneratigut, atorunnaassaaq:

Nunaannarmut pilersaarut nr. 1, Qoornoq

Nunaannarmut pilersaarut nr. 2, Nuup Kommuneani illuaqqat

Nunaannarmut pilersaarut nr. 7, Itinnera

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq

Innuttaasunik peqataatitsineq/attaveqaqatigiinneq

2019/20-mi ukiuunerani Illoqarfimmik Inerisaanermut Immikkoortortaqaqriup atuisunik akuutitsilerneq aallartippaa, takornarialerisuusinnaasunillu ataatsimeeqateqarnerit ingerlallugit, tassuuna campinut tunngatillugu nutaanik agguataareriaatsip unammillerneqarnissaa pisariaqartitsinerullu ersarissarneqarnissaa eqqarsaatigalugit. Misilittakkat taakku suliffiullu iluani suliamik ilisimasaqarneq ataatsimut tunngavissiipput, tulluuttumi.

Siunnersuut tamanut tusarniaassutigineqassaaq. Tusarniaaneq Nuuk Ugeavisikkut kiisalu kommunip tusarniaassutinut nittartagaatigut nalunaarutigineqarput.

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit

Sanarfinermut Avatangiisinullu Ataatsimiititap juunip 15-iani 2020-mi aalajangiinera:

Inassuteqaat akuersissutigineqarpoq

Ilanngussat

1. Kommunip pilersaarutaanut tapiliussamut siunnersuut Nunaannarmut pilersaarut 2-2, Nuup eqqaani nunataq

Punkt 05B: Kommunimut pilersaarummut tapiliussamut 3C8-1 siunnersuut Qernertunnguit, Nuuk

Beslutning

Inassuteqaat akuersissutigineqarpoq.

Bilag

Kommunip pilersaarutaanut tapiliussamut siunnersuut 3C8-1 Qernertunnguit, Nuuk

Kommunimut pilersaarummut tapiliussamut 3C8-1 siunnersuut Qernertunnguit, Nuuk

Aalajangiiffigisassaq

J.nr.: EMN-2020-05442

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3C8-1 Qernertunnguit, Nuuk, siunnersuut matumuuna saqqummiunneqarpoq.

Kommuneqarfik Sermersuup pingaarnertut anguniagaraa, Nuummi illoqarfiup ineriartortinneqarnissaa illoqarfiup pioreersup eqiteriffigineratigut.

Kommunimut pilersaarummut tapiliussami matumani immikkoortup killeqarfia ataatsimullu atorineqarnissaanut siunertarineqartoq attatsiinarneqassaaq, immikkuualuttumik nutaamik avannaata tungaani immikkoortitsisoqassaaq, pisortat inissiaataanik sanaartornissamik immikkut periarfissisussamik. Immikkoortumi pilersaarfiusumi A-mi nutaanik marlunnik quleriilinnik sanaartortoqarsinnaavoq. Sanaartukkat takisuutut sanileriaatulluunniit sananeqassapput. Siunissami sanaartorneqartussat sanaartukkanut pioreersunut illuliortaatsimut naleqqussaalluni pissapput.

Sumiiffiup kujataatungaa sanaartorfiusinnaangilaq, nunallu ilusaa allanngortinneqassanani.

Suliaq Sanarfinermut Avatangiisinullu Ataatsimiititap 15. juuni 2020-mi ataatsimiinnerani oqaluuserineqarpoq, Ataatsimiititalu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamut akuersissanngorlugu tamanut tusarniaassutigineqarnissaa eqqarsaatigalugu kiisalu Kommunalbestyrelsimut ilisimatitsissutigisassanngorlugu ingerlateqqinneqarpoq.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussasatut siunnersuut 3C8-1 Qernertunnguit Nuuk tamanut tusarniaassutigineqarnissaa eqqarsaatigalugu akuersissutigineqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3C8-1 Qernertunnguit, Nuuk, siunnersuut matumuuna saqqummiunneqarpoq.

Nuuk suli alliarlorlunilu inuttusigaluttuinnarpoq. Taamaammat immikkoortut illoqarfiup qiterpasissuaniittut ullutsinnut naleqquttunik inissiaqarnissaat pisortallu kiffartuussiviinik inissaqartitsinissaaq qulakkeerniarlugit ineriartortitsivigineqarnissaat pisariaqarpoq. Kommuneqarfik Sermersuup pingaarnertut anguniagaraa, Nuummi illoqarfiup ineriartortinneqarnissaa illoqarfiup pioreersup eqiteriffigineratigut.

Kommunimut pilersaarummut tapiliussaq akulikitsunik pukkitsunillu inissianik quleriaaanic sanaartornissamut periarfissanik aalajangersaasoqarnissaanik siunertaqartumik suliarineqarpoq.

Immikkoortup ilaa 3C8 pisortat suliffeqarfiinit, kiffartuusiviinut, allaffissornikkut inissiaqarnikkullu ataatsimut siunertanut qitiusutut atorneqassaaq. Kommunimut pilersaarummut tapiliussami matumani immikkoortup killeqarfia ataatsimullu atorneqarnissaanut siunertarineqartoq attatsiinnarneqassaaq, immikkuualuttumik nutaamik avannaata tungaani immikkoortitsisoqassaaq, pisortat inissiaataanik sanaartornissamik immikkut periarfissiisussamik. Immikkoortumi pilersaarusrifusumi A-mi nutaanik marlunnik quleriilinnik sanaartortoqarsinnaavoq. Sanaartukkat takisuutut sanileriaatulluunniit sananeqassapput.

Siunissami sanaartorneqartussat sanaartukkanut pioreersunut illuliortaatsimut naleqqussaalluni pissapput. Taamaattumik sanaartukkat annertussusiinik illullu saavinik ersarissisitsisunik immikkoortitigaanissaat pingaartuuvoq. Sumiiffimmi sanaartukkat sinnerinut ataqatigiisitsisoqarnera ersarissuuniassammat.

Sumiiffiup kujataatungaa sanaartorfusinnaanngilaq, nunallu ilusaa allanngortinneqassanani. Taamaattorli aqqusineeraliortoqarsinnaallunilu, teknikkikkut atortulersuutinik annikinnerusunik pilersuinermilu aqquilersuutinik kiisalu sukisaarsaarfusinnaasunik nunaminertamik atugassiisoqarsinnaavoq, sanaartorfioqqusaanngitsutut inissillugu.

Aaqqiissutissatut siunnersuut – suliatigut naliliineq

Immikkuualuttoq A-mi nutaanik marlunnik quleriilinnik inissiaqarfiusussanik sanaartortoqarsinnaassaaq. Sanaartukkat takisuutut sanileriaatulluunniit sananeqassapput. Siunissami sanaartorneqartussat sanaartukkanut pioreersunut illuliortaatsimut naleqqussaalluni pissapput. Taamaattumik sanaartukkat annertussusiinik illullu saavinik ersarissisitsisunik immikkoortitigaanissaat pingaartuuvoq. Sumiiffimmi sanaartukkat sinnerinut ataqatigiisitsisoqarnera ersarissuuniassammat. Sumiiffiup kujataatungaa sanaartorfusinnaanngilaq, nunallu ilusaa allanngortinneqassanani.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitalit

- Pilersaarusrorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut tusarniaassutigineqassaaq.

Una Kommunimut pilersaarummut tapiliussaq 3C8-1 akuersissutigineqarneratigut Illoqarfiup iluani pilersaarut 3A7-2 immikkoortup ilaa taarserneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq tamanut tusarniaassutigineqassaaq. Tusarniaaneq Nuuk Ugeavisikkut kiisalu kommunip tusarniaassutininut nittartagaatigut nalunaarutigineqarput.

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit

Sanarfinermut Avatangiisinullu Ataatsimiititap 15. juuni 2020-mi aalangiinera:

Inassuteqaat akuersissutigineqarpoq

Ilangussat

1. Kommuniq pilersaarutaanut tapiliussamut siunnersuut 3C8-1 Qernertunnguit, Nuuk

Punkt 05C: Kommunitut pilersaarummut tapiliussamut siunnersuut 1C12-5 Aqutsisoqarfik (Nuuk Center), Nuuk

Beslutning

Inassuteqaat akuersissutigineqarpoq.

Bilag

Kommunitut pilersaarummut tapiliussamut siunnersuut 1C12-5 Aqutsisoqarfik, Nuuk

Kommunimut pilersaarummut tapiliussamut siunnersuut 1C12-5 Aqutsisoqarfik (Nuuk Center), Nuuk

Aalajangiiffigisassaq

J.nr.: 16.03.01.01-P16-21-18

Sanarfinermut Avatangiisinullu Ingerlatsivik - Pisortaq Hans Henrik Winther Johannsen / HHWJ

Suliap eqikkarnera

Kommunimut pilersaarummut tapiliussamut siunnersuutip siunertaraa Nuuk Centerip quleriinnik marlunnik allilerneqarsinnaanissaa, kiisalu inissialiornissaaq arfineq-marlunnik qulerilimmik.

Kommunimut pilersaarummut tapiliussamut siunnersuut Blok 1-imik ingutserinissamut periarfissaqalersitsivoq, taamaasilluni centerip allilerneqarnissaanut inissaqalissalluni, tassungalu atasussanik biilit uninngasarfissaannik.

Sanaartugaq immikkoortup isikkuanut pitsaassusaanut, soorlu illoqarfiup niuertarfiinnut allaffeqarfiinullu tulluarsagaassaaq. Najugaqarfinnullu eqqaaniittunut ataqatigiittumik sananeqassalluni, pingaartumillu Nuup illoqarfiata ineriartorneranut ilanngussissalluni.

Suliaq Sanarfinermut Avatangiisinullu Ataatsimiititap Juunip 15-iat 2020-mi ataatsimiinnerani oqaluuserineqarpoq, Ataatsimiititallu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamut akuerisassanngorlugu tamanut tusarniaassutigineqarnissaa eqqarsaatigalugu kiisalu Kommunalbestyrelsimut ilisimatitsissutigisassanngorlugu ingerlateqqinneqarpoq.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 1C12-5, Aqutsisoqarfik, Nuuk, tamanut tusarniaassutigineqarnissaa akuersissutigineqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunalbestyrelse pilersaarusioreq pillugu inatsisissatut allannguut 2016-imeersaq naapertorlugu 2019-imi marsip ulluisa 12-ianni pilersaarusiamut Nuummi Centerip Allilerneqarnissaanut akuersissuteqarpoq. Pilersaarusiami naatsorsuutigineqarpoq Blok 1 ingutserneqarnissaa, immikkoortumilu pioreersut Blok 1-ikup Nuuk Centerillu akornanni biilnik uninngasarfimmik qulisamik sanasoqassasoq. Matumani kommunimut pilersaarummut tapiliussaq pilersaarutitut qinnuteqaat tunngavigalugu suliaavoq, suliallu piviusunngortinnissaanut inatsisitigut tunngavissiilluni.

Kommunimut pilersaarummut tapiliussatut siunnersuutip Nuuk Centerip pioreersup allilerneqarnissaa periarfissippaa, assigiinngitsunullu atorneqassalluni, soorlu pisiniarfiit, inissiat aamma suliffeqarfiit. Kommunimut pilersaarummut tapiliussaq atorlugu centeri quleriinnik marlunnik allilerneqarnissaanut periarfissaqarpoq, quleriinnilu arfineq-pingasuni inissiat.

Kommunimut pilersaarummut tapiliussaq atorlugu Nuuk Centerip Katuallu tunuaniittut angallaviit pioreersut allanngorujussuassapput, siunnersuut malillugu H.J Rinksvej Kuussuullu akornisigut

ingerlasoqarsinnaajunnaasagami. Nuuk Centerip allilerneqarnissaanut siunnersuummi angallannerit tamarmik siunissami H.J Rinksvejimiit pisassapput, nioqqutissanik eqqussuinerit biilinillu ingerlanerit avannaatungaaniit pisassapput. Kommunimut pilersaarummut tapiliussap piumasaraa inuit pisuinnaat aqutissaanik isumannaatsumik kusanartumillu sanasoqarnissaa, centerip allilerneqarnerata kujataani kangiatalu sinaani.

Matumuuna illoqarfik pilerinartuq pilersinneqassaaq, kommunimullu pilersaarummut tapiliussap siunertaraa centerip allilerneqarnissaanut siunnersuummi sulii allanik tamanillu orninneqarsinnaasunik centerip qaliani pilersitsisoqassasoq. Taamatullu Nuup illoqarfiani illoqarfiup iluani allatut pissusilimmik ilisarititsissaluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup nalilerpaa siunnersuutip illoqarfimmut qanittunik inissianik pilerinartunik piomasoqalertoqarnissaanut akuersisoq. Peqatigitillugu illoqarfiup qeqqani pitsaasunik periarfissaqalissalluni atugassanik pisiniarfinnik sukisaarsartarfinnillu. Siunnersuut illoqarfiup qeqqani angallannerimut ajornartorsiuteqartumut aaqqiinertalimmik ilasivoq, inuillu pisuinnaat aqutissaanik pitsaanerumsumik atugassaqartinneqalissallutik.

Ingerlatsiviup nalilerpaa siunnersuut atorlugu illoqarfiup pitsaasumik ineriartortinneqarnissaa Illuliortaatsikkut politikkimi akuersitat malillugit pissasoq, portusuunik inissialiortitsineri suleriuuseq atorlugu, Imaneq ilusilersuineri najoqqutassaq minnerunngitsumillu kommunimut pilersaarut Sermersooq2028.

Aningaasatigut sulisoqarnikkullu naliliinerit

Nassuiaat namminerimut aningaasatigut kinguneqartitsissanngilaq.

Inatsisitigut tunngavissaq allakkallu tunngaviummik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34 imm. 9. december 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarutissatut siunnersuut tamanut tusarniaassutigineqassaaq.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu Ataatsimiititami aamma Aningaasaqarnerimut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Inaarutaasumik pilersaarut tamanit pissarsiarineqarsinnaassaaq, kommunip nittartagaatigut www.sermersooq.gl

Aningaasaqarnerimut Allatseqarfimmit oqaaseqaatit

Aningaasaqarnerimut Allatseqarfik oqaaseqaatissaqanngilaq

Innuttaasunik peqataatitsineq/attaveqaqatigiinneq

Siunnersuut tamanut tusarniaassutigineqassaaq, tamannalu Nuuk Ugeavisikkut kiisalu kommunip tusarniaanermut quppersagaatigut allagarsiissutigineqassaaq.

Suliaq tusarniaassutissatut sapaatit-akunnerini arfineq-pingasuni 2019-imi 12. juunimiit 24. juulimut tusarniaassutigineqareerpoq, Katuamilu Ikinngutigijt inersuaaraani paasissutissiinermit ataatsimiisitsissutigineqareerluni.

Ingerlatsivinnit allaniit oqaaseqaatigineqartut

Oqaaseqaateqanngilaq

Siusinnerusukkut aalajangernerit

Sanarfinermut Avatangiisinullu Ataatsimiititap Juunip 15-iat 2020-mi aalajangiinera:

Inassuteqaat akuersissutigineqarpoq

Ilannussat

1. Kommunitum pilersaarummut tapiliussamut siunnersuut 1C12-5 Aqutsisoqarfik, Nuuk

Punkt 05D: Sinerissap qanittuani aalisarneq pillugu immikkoortumut pilersaarutitut siunnersuut

Beslutning

Inassuteqaat akuersissutigineqarpoq.

Bilag

Sinerissap qanittuani aalisarneq pillugu immikkoortumut pilersaarutitut siunnersuut

Sinerissap qanittuani aalisarnej pillugu immikkoortumut pilersaarutitut siunnersuut

Umiatsiaararsorluni aalisarnermi tunngaviusumik periarfissat

Aalajangiiffigisassaq

J.nr.: EMN-2019-00081

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sinerissap qanittuani aalisarnej pillugu immikkoortumut pilersaarutip siunertaraa, kommunimi umiatsiaararsorluni aalisartut atortutigut atugarisaasa periarfissaasalu qulaajarnejqarnissaat, tullinnguullugulu kommunip atortorissaarutaasa periarfissaasalu pitsanngorsarnejqarnissaat imaluunniit atorunnaarsikkiartuaartinnissaat. Taamaasilluni immikkoortumut pilersaarut qinikkat suliassaqarfimmut tunngatillugu aalajangernissaannut ineriartortitsinissaannullu sakkussaavoq tunngavissaallunilu.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiinik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersiuiinnermi peqataatinneqarput. Tamanna pereermat kommunip sanaartugassanut missingersuutaanut ilanngullugit suliarineqassapput.

Suliaq Sanarfinermut Avatangiisinullu Ataatsimiititap 15. juuni 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa ima oqaaseqaatitalerlugu: najukkami aalisartut piniartullu kattuffii/najukkami ataatsimiititaliap/najukkami innuttaasut il.il. sukumiisumik peqataatinneqarnissaat qulakkeerniarlugu tusarniaaneq sapaatip-akunnerinit arfineq-pingasunit qulinut sivitsorneqassasoq; suliarlut tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissanngorlugu ingerlateqqippaa kiisalu Kommunalbestyrelsimut ilisimatitsissutigisassanngorlugu ingerlateqqillugu.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- sinerissamut qanittumi Aalisarnej pillugu immikkoortumut pilersaarummut siunnersuut sapaatip-akunnerini qulini tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sinerissap qanittuani aalisarnej pillugu immikkoortumut pilersaarutip siunertaraa, kommunimi umiatsiaararsorluni aalisartut atortutigut atugarisaasa periarfissaasalu qulaajarnejqarnissaat, tullinnguullugulu kommunip atortorissaarutaasa periarfissaasalu pitsanngorsarnejqarnissaat imaluunniit atorunnaarsikkiartuaartinnissaat. Taamaasilluni immikkoortumut pilersaarut qinikkat

suliassaqarfimmut tunngatillugu aalajangernissaannut ineriartortitsinissaannullu sakkussaavoq tunngavissaallunilu.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiinik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersiuiinerimi peqataatinneqarput. Tamanna pereermat kommunip sanaartugassanut missingersuutaanut ilanngullugit suliarineqassapput.

Immikkoortumut pilersaarummi nalunaarsuinerit tunngavigalugit naalackersuiniikkut ataqatigiissaarisartoqatigiit suleqatigalugit kommunimi nunap immikkoortuini tamani suliniutissanik pingaarnersiuisoqarsimavoq. Taakkua nunaqarfinni aqutsisut assigiinngitsut immersuineri tunngavigalugit pitsanngorsaatisatut siunnersuutit pingaarnersiorlugit tullerriaarnerinik allattuisimapput.

Taamaasilluni immikkoortumut pilersaarutissatut siunnersuutip imarivai pingaarnertut takorluukkat, pissutsit tunuliaqutaasut aammalu tamakkua qanoq ilillugit ineriartortinneqassanersut pillugit pilersaarut. Taamaasilluni immikkoortumut pilersaarut siunissami anguniagassanut, aningaasaliissuteqarnissanut, ingerlatsinerimut immaqalu piginnittuunermut tunngasunut tunngavissatut atorneqarsinnaavoq.

Nunatsinni umiarsualiveqarnermut tunngasut allanngoriartortinneqarput. Sikuki pillugu, ingerlatseqatigiiffiullu Nuummi nunaminertat atugassani qanoq atorsinnaanerai pillugit inatsisiliortoqarnikuuvoq.

Aaqqiissutissatut siunnersuut – suliatigut naliliineq

Immikkoortumut pilersaarutissatut siunnersuut sinerissap qanittuani aalisartut maannakkorpiaq atugarisaannik, suliniutillu suut atugarisanik pitsanngorsaannissamut pingaarnersiorneqarsinnaanerinik ersersitsisuuvoq. Aamma pilersaarummi pitsanngorsaatisatut siunnersuutit arlallit qanoq akeqassanersut missiliuusiorneqarnikuuvoq. Taamaasilluni immikkoortumut pilersaarut qinikkat aalajangiinissaannut tunngaviusumik sakkussatut atorneqassaaq tulliuullugulu

Aningaasatigut sulisoqarnikkullu naliliinerit

Immikkoortumut pilersaarut ingerlatsiviup kommunimut pilersaarutininik ingerlatsinerisa ilagivaat, kontulu taanna annertunerusumik artukkerneqassanngilaq.

Inatsisitigut tunngavissaq allakkallu tunngaviusumik uppernarsaatitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Umiarsualiviit pillugit Inatsisartut inatsisaat nr. 9, 3. juni 2015-imeersoq
- SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. 17, 3. juni 2015-imeersoq
- Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut tamanut tusarniaassutigineqassaaq, tusarniaanermilu akissuteqaatit pissarsiarineqartut tusarniaaneq naammassereerpat suliarineqassapput.

Aningaasaqarnermut Allatseqarfimmit oqaaseqaatit

Oqaatigineqassaaq immikkoortumut pilersaarut suliassanik aningaasaliiffigineqartussanik kinguneqarsinnaammat. Erseqqissaatigineqassaaq, maannakkorpiaq missingersuutitigut suliassaasinnaasunut immikkoortitsisoqarnikuunngimmat, aammalu aningaasaliissuteqartoqassappat politikikkut immikkut isummertoqassammat.

Innuttaasunik peqataatitsineq/attaveqaqatigiinneq

Siunnersuutip suliarineranut atatillugu, aqutsisoqatigiinnik pilersitsisoqarpoq, assigiinngitsunik sulialinnik inuttaqartumik. Tamatuma kingornagut siunnersuut soqutigisallit assigiinngitsut iluanni tusarniaassutigineqarpoq, nunaqarfinni aqutsisut ilanngullugit.

Tamanut tusarniaassutigineqarneranut atatillugu, immikkut iliuseqartoqassaaq, siunnersuutip pineqartup iluani soqutigisalinnut anngunissaat qulakkeerniarlugu.

Tamanut tusarniaassutigineqarnissaa Nuuk Ugeaviisikkut, Paamiuni Tasiilamilu allagarsiivitsigut, aammalu nunaqarfiit tamat allaffiisigut nalunaarutigineqassaaq. Tamakkua saniatigut kommunip nittartagaasigut nalunaarutigineqassaaq.

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit

Sanarfinermut Avatangiisinullu Ataatsimiititap aalajangiinera 15. juuni 2020-meersoq:

Inassuteqaat akuersissutigineqarpoq ima oqaaseqaatitalerlugu: najukkami aalisartut piniartullu kattuffii/najukkami ataatsimiititaliap/najukkami innuttaasut il.il. sukumiisumik peqataatinneqarnissaat qulakkeerniarlugu tusarniaaneq sapaatip-akunnerinit arfineq-pingasunit qulinut sivitsorneqassasoq.

Ilanngussat

1. Sinerissap qanittuani aalisarnek pillugu immikkoortumut pilersaarutit siunnersuut

Punkt 05E: Kommunimut pilersaarummut tapiliussap 1C39-1, Sømandshjemmi Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutininik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 1C39-1, Sømandshjemmet, Nuuk

Kommunimut pilersaarummut tapiliussap 1C39-1, Sømandshjemmi Nuuk inaarutaasumik akuersissutigineqarnera

Aalajangiiffigisassaq

J.nr.: ANL-2019-00009

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussaq naapertorlugu immikkoortup ilaani pioreersumi 1B1-imi nutaamik immikkoortup ilaanik, 1C39, atugassiisoqarpoq. Immikkoortup ilaa nutaaq C-tut qitiusumik atorneqarsinnaasutut atugassiissutigineqarpoq, tassani kikkunnilluunniit ornigarneqartartunik illoqarfiup qeqqani atuuffinnut tunngasut pilersinneqarsinnaallutik.

Taamaalilluni kommunimut pilersaarummut tapiliussaq Sømandshjemmi pioreersup allilernerqarnissaanut nutarterneqarnissaannullu periarfissiivoq. Sømandshjemmimut atasumik sanaartorfissanik nutaanik atugassiisoqarpoq, taakkulu nunaminertamik atuisinnaanermut akuersissuteqareersumit taamaallaat atorneqarsinnaassapput.

Ineqarfinnik nutaanik marlunnik, isumasioqatigiinnermut atatillugu inimik kiisalu pisortap inissaanik il.il. sanaartornissamik periarfissiisoqarpoq.

Suliaq Sanarfinermut Avatangiisinullu Ataatsimiititap 15. juuni 2020-mi ataatsimiinnerani oqaluserineqarpoq, ataatsimiititalu inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqillugu.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- kommunimut pilersaarummut tapiliussaq, 1C39-1, Sømandshjemmi, Nuuk, akuersissutigineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Kommunimut pilersaarummut tapiliussaq naapertorlugu immikkoortup ilaani pioreersumi 1B1-imi nutaamik immikkoortup ilaanik, 1C39, atugassiisoqarpoq. Immikkoortup ilaa nutaaq C-tut qitiusumik atorneqarsinnaasutut atugassiissutigineqarpoq, tassani kikkunnilluunniit ornigarneqartartunik illoqarfiup qeqqani atuuffinnut tunngasut pilersinneqarsinnaallutik.

Taamaalilluni kommunimut pilersaarut Sømandshjemmi pioreersup allilernerqarnissaanut nutarterneqarnissaannullu periarfissiivoq. Sømandshjemmimut atasumik sanaartorfissanik nutaanik atugassiisoqarpoq, taakkulu nunaminertamik atuisinnaanermut akuersissuteqareersumit taamaallaat atorneqarsinnaassapput.

Ineqarfinnik nutaanik marlunnik, isumasioqatigiinnermut atatillugu inimik kiisalu pisortap inissaanik il.il. sanaartornissamik periarfissiisoqarpoq.

Immikkoortoq sanaartorfissanut pingasunut immikkoortunut agguagaavoq, tassanilu assigiinngitsunik portussusilinnik sanaartortoqarnissaanut akuersissuteqartoqarsinnaavoq:

Sanaartorfissaq A-mi quleriit sisamat tikillugit atuuppoq
Sanaartorfissaq B-mi quleriit pingasut tikillugit atuuppoq
Sanaartorfissaq C-mi quleriit marluk tikillugit atuuppoq
Ini alleq quleriinni siullertut atuuttuaannarpoq.

Taamatut assigiinngisitsinikkut nunap ilusaa ersarinnerulissaaq, avatangiisinullu kusanartumik, assigiinngisitaartumillu ataqatigiissaartutut isikkoqalerluni.

Aaqqiissutissatut siunnersuut – suliatigut naliliineq

Kommunimut pilersaarummut tapiliussaq immikkoortup pitsaassusaata nalilerneqarnera, qaqqamut immamullu isikkivik, silamiittut pitsaasut silamilu uninngaartarfiit toqqammavigalugit suliarineqarpoq. Pilersaarummut tapilussap immikkoortup atorneqarsinnaaneranut tunngatillugu attaveqaatit, qaqqami immikkuullarissumik inissisimanera, kiisalu siunissami atorneqarnissaanut kissaataasut eqqarsaatigineqarput.

Taamaattumik ingerlatsiviup Illuliortaatsimut politikimi naleqartitanut kommunimut pilersaarummut tapiliussaq naapertuuttoq nalilerpaa, immikkoortuni tulliuttuni:

Illuliortaatsimut politikki

Nunarsuarmioqatigiinnut anguniakkat:

- 1 **Illuliortaaseq kinaassuseqalersitsisoq:**
Siunnersuummi sanaartornermut tunngasut kiisalu immikkoortup ilusaa eqqarsaatigineqassasoq oqaatigineqarpoq.



SDG 11.4:
Kulturikkut pinngortitamillu kingornussagut illersussavagut pioreersup Mågehusip qaqqajunnamilu pinngortitap ilusaa innimigalugit.

- 2 **Illoqannginersat illoqarfimmilu inuuneq:**
Illut uiguleriit akornatigut kujammut sammisumik oqquartamik pilersitsinikkut tamanut ammasumik isikkivigissumik illoqannginersamik pilersitsisoqarsinnaavoq.



SDG 11.7:
Isumannaatsunik tamanit silami uninngaartarfusinnaasumik pilersitsinermut tunniussaqaqataassaagut - tamanut ammasumik.

- 3 **Piffissaq sumiiffillu:**
Siunnersuummi nuna pioreersoq ataqqineqarnissaa atorluarlugulu illuliortaatsimik soqtiginartumik pilersitsisoqarnissaa allassimavoq.



SDG 12.2:
Qaartiterinerup annikinnerpaaffianiitinneratigut atorluaasoqarlunilu pinngortitami isumalluutit piujuartinniarlugit suliaqartoqassaaq.



SDG 15:
Pinngortitap pioreersup ataqqineratigut uumassusillit assigiinngisitaarnerat pinngortitamilu inuuneq qulakkeernissaanut tapersiisoqassaaq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorpeqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussap akuersissutigineqareernerata kingornatigut nunaminertamik inniminniisoqarsinnaanngussaaq pilersaarummut tapiliussami aalajangersakkat malillugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatip akunnerini arfineq-pingasuni tusarniaassutigineqarnikuvoq aammalu tusarniaassummut akissuteqaat marluk pissarsiarineqarput. Taamaattorli allannguinnissamut pissutissaqartitsinngillat.

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit

Sanarfinermut Avatangiisinullu Ataatsimiititap 15. juuni 2020-mi aalajangiinera:
Inassuteqaat akuersissutigineqarpoq

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 1C39-1, Sømandshjemmi, Nuuk

Punkt 05F: Paamiut pillugit isumaqatigiissut 2020 pillugu ukiumoortumik killiffik pillugu nalunaarussiaq

Beslutning

Inassuteqaat akuersissutigineqarpoq.

Bilag

Paamiut pillugit isumaqatigiissut 2020 pillugu ukiumoortumik killiffik pillugu nalunaarussiaq

Paamiut pillugit isumaqatigiissut (2019)

Ilanngussaq 1 Paamiut pillugit isumaqatigiissut (2019)

Paamiut pillugit isumaqatigiissut 2020 pillugu ukiumoortumik killiffik pillugu nalunaarussiaq

Kalaallit Nunaanni Peqqinnissaqarfiup Kommuneqarfik Sermersuullu akornanni suleqatigiinnissamik isumaqatigiissut

Ilisimatitsissut

J.nr.: EMN-2020-23135

Suliffeqarnermut Isumaginninnermullu Ingerlatsivik – Pisortaagallartoq Jill S. Hellesen / JISH

Suliassamik eqikkaaneq

Paamiut pillugit isumaqatigiissut tassaavoq Kalaallit Nunaanni Peqqinnissaqarfiup Kommuneqarfik Sermersuullu akornanni suleqatigiinnissamik isumaqatigiissut, taannalu 2019-imi juunimi atuutilersinneqarpoq.

Peqqinnissaqarfiup Kommuneqarfik Sermersuullu akornanni qanimut suleqatigiinnissaq illuatungeriinnit anguniagaavoq, taamaattumillu Paamiut pillugit isumaqatigiissut alloriarneruvoq pissanganarluinnartoq.

Ulluinnarni sulinermi Paamiuni Peqqissaavik utoqqaat illuallu assigiinngitsutigut suleqatigiittarput. Paamiut pillugit isumaqatigiissummi isumaqatigiissusiortut ukiumut ataasiarlutik suleqatigiinneq pillugu killiffik pillugu nalunaarusiortassasut piumasaaqataavoq. Ukiumoortumik killiffimmuut tunngatillugu ukioq qaangiutereersoq kingumut qiviarneqarnerata saniatigut siunissami suliniutaasussatut piukkunnarsinnaasut innersuussutigineqarsinnaasut ilanngunneqarsinnaanerata anguniagaavoq.

Ataatsimut isigalugu suleqatigiinneq ajunngitsumik ingerlavoq. Immikkoortoqarportaaq iluarsivigineqarsinnaasunik, tamannalu iluatsinnissaanut Kommuneqarfik Sermersooq peqqinnissaqarfillu annertuumik suliniuteqarput.

Suliaq Suliffeqarnermut Isumaginninnermullu Ataatsimiititami oqaluserineqarpoq, ulloq juuniip 16-iani 2020-mi, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Paamiut pillugit isumaqatigiissut Kommuneqarfik Sermersuup Kalaallit Nunaannilu Peqqinnissaqarfiup akornanni suleqatigiinnissaannut toqqammavissatut pitsaasuvoq illuatungeriinnullu pisussaaffiliisuvoq. Sulisut aqutsisullu annertuumik suleqatigiinnissamut piunnaqqarsarluarput, unammillernarsinnaasullu annertuut annikitsullu aqqiissutissaannik ujartuillaqqillutik. Tamanna pillugu ukiumoortumik killiffimmik isumaqatigiissusiortut naammagisimaarinnillutik siunissamullu isumalluarlutik saqqummiussipput.

Aaqqiissutissatut siunnersuut – suliatigut naliliineq

Aallartisarnermi ajornartorsiutaasimasut amerlanerit naammassineqareerput, sulisullu aqutsisullu immikkoortuni assigiinngitsuni suleqatigiipput. Assersuutigalugu weekendini utoqqarnut

nerisassanik pajuttuinerit, sungiusartarfinnik ataatsimoorussilluni atuisarneq iluaqusersuutinullu atatillugu pitsaasumik suleriuseqarneq, tassa uninngasut angerlartinneqarnerannut atatillugu iluaqusersuutit nassartinneqartarmata.

Immikkoortoqarporli iluarsisassanik. Tamatuma ilaatigut errorsisarnermut aqqiissummut tunngatillugu pitsaanagerusumik pilersaarusiortarnissaq pineqarpoq taamatuttaarlu ataatsimut unnuami vagtimik aggersarneqarsinnaasumik peqalernissamut anguniakkap piviusunngortinnissaanut ajornartorsiut.

Peqqinnissaqarfiup ulloq 1. maaji 2020 immikkoortortaqaarfimmi peqqissaasumik, aalajangersimasumik Paamiuni najugalimmik, atorfinitsitsivoq. Utoqqaat pillugit immikkoortortaqaarfik atorfinitsitsinermut tunngatillugu annertuunik takorluugaqarpoq, immikkoortortaqaarfimmilu peqqissaasoq qanimut suleqatigilernissaa qilanaarlugu.

Suliniutinut killiffik pillugu ataatsimoortumik nalunaarut ilanngussaq 1-imi takuneqarsinnaavoq) "Paamiut pillugit isumaqatigiissut 2020 pillugu ukiumoortumik killiffik pillugu nalunaarusiaq".

Aningaasatigut sulisoqarnikkullu naliliinerit
Oqaaseqaateqanngilaq.

Inatsisitigut tunngavissaq allakkallu tunngaviusumik uppernarsaatitallit
Peqqinnissaqarfimmik isumaqatigiissut 2017-2021
Paamiut pillugit isumaqatigiissut (ilanngussat ilanngullugit)

Ingerlariaqqinnissaq
Peqqinnissaqarfiup Kommuneqaarfik Sermersuullu Paamiuni suleqatigiinnissamut periarfissat nutaat ataavartumik eqqumaffigisassavaat. Ukioq 2021-mi isumaqatigiissuteqartut suleqatigiinneq pillugu killiffimmik nalunaarusioqqissapput Kommunalbestyrelsimullu saqqummiullugu.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqaatitsisoqanngilaq.

Innuttaasunik peqataatitsineq/attaveqaqatigiinneq
Soqanngilaq

Ingerlatsivinnit allaniit oqaaseqaatigineqartut
Soqanngilaq

Siusinnerusukkut aalajangernerit:
Suliffeqarnermut Isumaginninnermullu Ataatsimiititap aalajangernera juunip 16-iani 2020-meersoq:
Inassuteqaat akuersissutigineqarpoq.

Ilanngussat

1. Paamiut pillugit isumaqatigiissut 2020 pillugu ukiumoortumik killiffik pillugu nalunaarusiaq
2. Paamiut pillugit isumaqatigiissut (2019)
3. Ilanngussaq 1 Paamiut pillugit isumaqatigiissut (2019)

Punkt 05G: Inuit innarluutillit pillugit Siunnersuisooqatigiit ataatsimiinnerisa ataavartumik paasissutissiissutigisarnissai

Beslutning

Inassuteqaat akuersissutigineqarpoq.

Bilag

Innarluutillit pillugit Siunnersuisooqatigiit ataatsimiinnerannit imaqarniliaq 30. aprili 2020-meersoq

Inuit innarluutillit pillugit Siunnersuisooqatigiit ataatsimiinnerisa ataavartumik paasissutissiissutigisarnissai

Ulloq 30. aprili 2020-mi ataatsimiinnermit

Ilisimatitsissut

J.nr.: EMN-2020-23367

Suliffeqarnermut Isumaginninnermullu Ingerlatsivik – Pisortaagallartoq Jill S. Hellesen / JISH

Suliassamik eqikkaaneq

Kommuneqarfik Sermersuumi Inuit innarluutillit pillugit siunnersuisooqatigiit 30. april 2020 ataatsimiipput.

Inuit innarluutillit pillugit Siunnersuisooqatigiit ataatsimiinneranni ilaasortaq nutaaq Inge Olsvig Brandt (IA) siullermeerluni ataatsimeeqataavoq. Inge Olsvig Brandt kommunalbestyrelsimit, kommunalbestyrelsip politikikkut Innarluutillit pillugit Siunnersuisooqatigiinni ilaasortatut, toqqarneqarpoq. Innarluutillit pillugit Siunnersuisooqatigiinni ilaasortat sinnerisa politikerimik siunnersuisooqatigiinni ilaqalernertik qilanaarivaat. Ataatsimiinnermi ingerlatsivinnit aamma Innarluutillit pillugit Siunnersuisooqatigiinnit kommunip covid-19-qarnerani innarluutillit qitiutillugit sullissisimanera eqqartorneqarpoq.

Innarluutillit pillugit Siunnersuisooqatigiit ingerlatsivinnut suleqataapput pitsaalluinnartumik, ajornartorsiutaasinnaasunullu assigiinngitsunut pivusorsiortumik aaqqiissutaasinnaasunik naleqquttunik ujartuinnermikkut ukkassisarput.

Suliaq Suliffeqarnermut Isumaginninnermullu Ataatsimiititami oqaluuserineqarpoq, ulloq juuniip 16-iani 2020-mi, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqillugu.

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuumi Innarluutillit pillugit Siunnersuisooqatigiit kingullermik ilisimatitsissuteqarnerup kingornali apriliip 30-anni 2020 ataatsimiinnerminnit imaqarniliaq akuersissutigereerpaat.

Immikkoortut pingaernerit tassaapput:

Ingerlatsiviit covid-19-eqarnerani sullissinerat

Covid-19-ip susassaqarfinni aamma ataatsimoorussamik qanoq isumagineqarsimanera ingerlatsiviniit oqaluttuarineqarpoq.

Aamma Innarluutillit pillugit Siunnersuisooqatigiit qanoq ingerlatsivinnut ikiusinnaanerat eqqumaffigineqarpoq.

Covid-19-imik nalaataqarneq pissutigalugu matusinerup nalaani suleriaatsinik naleqqussaaneq Innarluutillit pillugit Siunnersuisooqatigiinnit apeqqutigineqarpoq kommune matuneqarmat ingerlatsiviit suleriaasii qanoq naleqqussarneqarsimanerat. Ataatsimut isigalugu ingerlatsivinniit ajornartorneq imatut aaqqiivigineqarpoq, sulisut angerlarsimaffiminniit sulisinnaanerik

periarfissinneqarput innuttaasullu attaveqarfiginerat annerusumik oqarasuaatikkut qarasaasiakkullu ingerlanneqarluni. Innuttaasut pisumut sukkasuumik naleqqussarput, oqarasuaatikkullu annerusumik ingerlatsivinnik attaveqarsinnaaneq tigulluarneqarpoq.

Inge Olsvig Brandt-imik aamma taassuma Innarluutillit pillugit Siunnersuisooqatigiinni inissisimanera pillugu ilisaritsineq
Inge Olsvig Brandt kommunalbestyrelsip Innarluutillit pillugit Siunnersuisooqatigiivini ilaasortaavoq. Innarluutillit pillugit Siunnersuisooqatigiit nuannaarutigivaat maanna Siunnersuisooqatigiinni politikerimik ilaqaleramik.

Innarluutillit pillugit Siunnersuisooqatigiit makku ilaatigut aamma oqaluuseraat:

NIIK-imit apeqqutigineqartut akissutai (Kalaallit Nunaanni inuit innarluutillit pillugit suliniaqatigiiffiit) Kalaallit Nunaanni innarluutillit pillugit suliniaqatigiiffianiit NIIK-miit saaffiginnissut Suliffeqarnermut Isumaginninnermullu Ingerlatsiviup tiguaa. Nunani avannarlerni Inuit innarluutillit pillugit Siunnersuisooqatigiit NIIK qinnuigisimavaa suliniaqatigiiffinnit aamma pisortani oqartussaqaarfiit covid-19 pillugu aamma inuit innarluutillit pillugit akissutissanik katersinissaa pillugu. Innarluutillit pillugit Siunnersuisooqatigiit kommunip akissutissaa pillugu piukkunnarsaapput.

Innuttaasut najugaqatigiiffinniittut

Innarluutillit pillugit Siunnersuisooqatigiit soqutigivaat najugaqatigiiffinni najugaqartut toqqissisimanersut paasissallugu. Najugaqatigiiffinni sulisut tamanna eqqumaffigisimavaat, oqaatigisinnaallugulu najugaqartut akornanni toqqissisimanngitsoqarsimanngitsoq.

Innuttaasunik ataatsimiititsineq

Innarluutillit pillugit Siunnersuisooqatigiit suli innuttaasunik ataatsimiititsinissaq ingerlakkumavaat. Innarluutillit pillugit inatsit nutaaq aamma Innarluutillit pillugit Siunnersuisooqatigiit qulequtarineqarsinnaapput. Aallaqqaammut innuttaasunik ataatsimiititsinissaq upernaap ingerlanerani pissasoq pilersaarutaagaluarpoq, tamannali covid-19 pissutigalugu kinguaattoorpoq. Aammattaaq aasaanerani innuttaasut ataatsimiitikkuminaattarnerat kommunip misilittagarivaa. Taamaattumik aasareerpat innuttaasunik ataatsimiititsisoqarsinnaanerani periarfissat Innarluutillit pillugit Siunnersuisooqatigiinnit Ingerlatsivinniillu misissorneqassaaq.

Aaqqiissutissatut siunnersuut – suliatigut naliliineq

Inuit innarluutillit pillugit Siunnersuisooqatigiit suliaat assigiinngitsorparujussuupput. Taamaasilluni Innarluutillit pillugit Siunnersuisooqatigiinnit suliniutit, isumassarsiat kissaatigineqartullu pillugit ataavartumik paasissutissiisarnerit politikikkut aalajangiinernut arlalinnut iluaqutissartaqarluartut tapertaliunneqarsinnaapput.

Aningaasatigut sulisoqarnikkullu naliliinerit

Oqaaseqaateqanngilaq.

Inatsisitigut tunngavissaq allakkallu tunngaviusumik uppersaatitallit

- Kommuneqarfik Sermersuumi Innarluutillit pillugit Siunnersuisooqatigiinni ileqqoreqqusat

Ingerlariaqqinnissaq

Ingerlatsivik siunissami Innarluutillit pillugit Siunnersuisooqatigiit suliaat pillugit ataavartumik ataatsimiititamat ilisimatitsissuteqartassaaq. Tamatuma saniatigut Innarluutillit pillugit Siunnersuisooqatigiit ataatsimiinnerannit imaqarniliaq kommunip nittartagaani atuarneqarsinnaavoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit:

Suliffeqarnermut Isumaginninnermullu Ataatsimiititap aalajangenera juunip 16-iani 2020-meersoq:
Inassuteqaat akuersissutigineqarpoq.

Ilanngussat

1. Innarluutillit pillugit Siunnersuisooqatigiit ataatsimiinnerannit imaqarniliaq 30. apriili 2020-meersoq

Punkt 05H: Utoqqaat pillugit Siunnersuisooqatigiit sulinerisa ingerlanerat pillugu ataavartumik ilisimatitsissuteqarnerit

Beslutning

Inassuteqaat akuersissutigineqarpoq.

Bilag

Utoqqaat Siunnersuisooqatigiivini ataatsimiinnermi imaqarniliaq ulloq 14. maaji 2020

Utoqqaat pillugit Siunnersuisooqatigiit sulinerisa ingerlanerat pillugu ataavartumik ilisimatitsissuteqarnerit

Ilisimatitsissut

J.nr.: EMN-2020-23365

Suliffeqarnermut Isumaginninnermullu Ingerlatsivik – Pisortaagallartoq Jill S. Hellesen / JISH

Suliassamik eqikkaaneq

Kommuneqarfik Sermersuumi Utoqqaat pillugit Siunnersuisooqatigiivi aappasaanik ataatsimiinnerat pivoq ulloq 14. maaji 2020. Siullermik 2020-mut ukiumut pilersaarut malillugu siunnersuisooqatigiit ataatsimiinnissaat ulloq 22. aprili 2020-mi pisussaagaluarpog, Coronamilli nalaanneqarnerput pissutigalugu siunnersuisooqatigiit aalajangerput ataatsimiinneq maajimut kinguartinneqassasoq. Ataatsimiinnermi aalajangersimasunik sisamanik oqaluuserisassaqaqput:

- Ilisimatitseqatigiinneq
- Ataatsimiinnermit kingullermit malitseqartitsineq
- Utoqqarnut tunngasuni susassaqaqfimmi naatsorsoqqissaakkat
- Utoqqaat noorarnerat

Utoqqaat pillugit Siunnersuisooqatigiit ilisimatinneqarput Suliffeqarnermut Isumaginninnermullu Ataatsimiititamut allakkat nassiunneqarnerat pillugu, tassani siunnersuisooqatigiinnit kissaatigineqarpoq Kalaallit Nunaanni utoqqaat inuunerat peqqissusaallu pillugit ilisimatusarnermi inerisaanermilu suliniummit nalunaarusiami allaaserinnittut Ataatsimiititaq peqatigalugu innuttaasunik ataatsimeeqateqarnissaq pineqarpoq.

Suliaq Suliffeqarnermut Isumaginninnermullu Ataatsimiititami oqaluuserineqarpoq, ulloq juunip 16-iani 2020-mi, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuumi Utoqqaat pillugit Siunnersuisooqatigiivi aappasaanik ataatsimiinnerat pivoq ulloq 14. maaji 2020. Siullermik 2020-mut ukiumut pilersaarut malillugu siunnersuisooqatigiit ataatsimiinnissaat ulloq 22. aprili 2020-mi pisussaagaluarpog, Coronamilli nalaanneqarnerput pissutigalugu siunnersuisooqatigiit aalajangerput ataatsimiinneq maajimut kinguartinneqassasoq. Ataatsimiinnermi aalajangersimasunik sisamanik oqaluuserisassaqaqarput:

- Ilisimatitseqatigiinneq
- Ataatsimiinnermit kingullermit malitseqartitsineq
- Utoqqarnut tunngasuni susassaqaqfimmi naatsorsoqqissaakkat
- Utoqqaat noorarnerat

Kingullermik ataatsimiinnermit malitseqartitsineri immikkoortut killiffissiorneqartut ilaatigut tassaapput:

- Kommuneqarfik Sermersuumi puiguttortut amerliartornerat pillugu Utoqqaat pillugit Siunnersuisooqatigiit ernumassuteqarnerat.

- Utoqqaat pillugit Siunnersuisooqatigiit blok 10-mi Ornittagaq taarserlugu nutaamik ornittakkamik pilersitsinissamik kissaateqarnerup killiffia pillugu eqqartueqatigiinnerat.

Qulaani pineqartut pillugit Utoqqaat pillugit Siunnersuisooqatigiit Suliffeqarnermut Isumaginninnermullu Ingerlatsivimmut allakkanik nassiussaqrput.

Utoqqaat pillugit Siunnersuisooqatigiit ilisimatinneqrput Suliffeqarnermut Isumaginninnermullu Ataatsimiititamut allakkat nassiunneqarnerat pillugu, tassani siunnersuisooqatigiinnit kissaatigineqarpoq Kalaallit Nunaanni utoqqaat inuunerat peqqissusaallu pillugit ilisimatusarnermi inerisaanermilu suliniummit nalunaarusiami allaaserinnittut Ataatsimiititaq peqatigalugu innuttaasunik ataatsimeeqateqarnissaq pineqarpoq.

Aaqqiissutissatut siunnersuut – suliatigut naliliineq

Utoqqaat pillugit Siunnersuisooqatigiinni ilaasortai suliaminnut pingaartitsisuupput, Suliffeqarnermut Inuussutissarsiornermullu Ingerlatsivimmut ataavartumik oqaloqatiginnittarlutik. Utoqqaat pillugit Siunnersuisooqatigiit suliniutinik, isumassarsianik kissaatinillu ataavartumik paasissutissiisarnerit iluaqutissartaqarluartut tapertaliunneqarsinnaapput.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppernarsaatitallit

- Kommuneqarfik Sermersuumi Utoqqaat pillugit Siunnersuisooqatigiit ileqqoreqqusaat.
- Utoqqarnut Siunnersuisooqatigiit suleriaasissaat

Ingerlariaqqinnissaq

Ingerlatsiviup Utoqqaat pillugit Siunnersuisooqatigiit sulinerat pillugu Ataatsimiititamut ataavartumik ilisimatitsissutigisassavaat. Tamatuma saniatigut Inuit innarluutillit pillugit Siunnersuisooqatigiit ataatsimiinnerannit imaqarniliaq kommunip nittartagaani atuarneqarsinnaavoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangernerit:

Suliffeqarnermut Isumaginninnermullu Ataatsimiititap aalajangernera juunip 16-ni 2020-meersoq:
Inassuteqaat akuersissutigineqarpoq.

Ilanngussat

1. Utoqqaat Siunnersuisooqatigiivini ataatsimiinnermi imaqarniliaq ulloq 14. maaji 2020

Punkt 05I: Misip 2019-imut ukiumoortumik nalunaarusiaanik ilisimatitsissut

Beslutning

Inassuteqaat akuersissutigineqarpoq.

Siumumit ikinnerussuteqartutut oqaaseqaat: Atuartut (meeqqat) ullormiit ullormut pisussilersortarnermikkut allanngoriataartut ilaqutariinnerupp iluani sakkortuumik pisoqartillugu sukkasuumik suleriaaseqartoqarnissaa pisariaqarpoq. Misip atuarfiillu akornanni eqaatsumik suleqatigiillutik suleriaaseqarnissaat Siumup kissaatigaa.

Bilag

Ukiumoortumik nalunaarusiaq 2019

Misip 2019-imut ukiumoortumik nalunaarusiaanik ilisimatitsissut

Ilisimatitsissut

J.nr.: 51.09.02.-15

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Misi ukiumut 2019-imut nalunaarusiorpoq. Nalunaarusiaq Meeqqanut Atuarfeqarnermullu Ataatsimiititamut ilisimatitsissutitut nassiunneqarpoq.

Misip Paamiut aamma Tasiilaq 2019-imi ataasiarlugit tikeraarpai. Tasiilamut tikeraarnermut atatillugu, nunaqarfiit Tiilerilaaq aamma Isertoq tikinneqarsimapput. Tikeraarnerni atuarfinni paaqqinniffinnilu sulisut oqaloqatigineqarput, soorlu aamma sumiiffinni angajoqqaanut sulisunullu ammasumik siunnersuinissamik neqerooruteqarsimasut. Tamatuma saniatigut Misi saqqummiussinissamut, suliat pillugit qanimut siunnersuinissamut neqerooruteqartarpoq kiisalu perorsaarnermut tarnillu pissusaanut tunngasutigut misissuineramik ingerlatsilluni.

Misimi 2019-imi ilinniartitsisunik siunnersuinerit 91-t, perorsaasunik siunnersuinerit 50-it angajoqqaanillu siunnersuinerit 170-it ingerlanneqarput. Tamatuma saniatigut Misi 87-inik misissuinernek suliaqarpoq.

Misi 2019-imi annerusumik pinaveersaartitsinermit tunngasunik suliillu pillugit qanimut siunnersuinissamut neqerooruteqartarsimavoq, tamannalu innuttaasunit tigulluarneqarpoq. Taamaattorli Misi-mut atorfissaqartitsinermit malinnaanissaq kiisalu misissuinissamut utaqisut allattorsimaffianiittut amerlavallaannginnissaasa sulissutigineqarnerat unammillernarsimavoq sulisut ikippallaarnerat pissutigalugu.

Suliaq Meeqqanut Atuarfeqarnermullu Ataatsimiititap juunip 10-iani 2020-mi oqaluuserineqarpoq, ataatsimiititap innersuussut akuersissutigaa suliarluk Aningaasaqarnermut Inuussutissarsiornermullu Ataatsimiititamut aammalu Kommunalbestyrelsimut ilisimatitsissutitut ingerlateqqillugu.

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Misi-p ukiumut 2019-imut nalunaarusiaanik ilisimatitsissut tusaatissatut tiguneqassasoq.
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Misi – Meeqqanut Inuusuttunullu Siunnersuisarfik, ukiumut 2019-imut nalunaarusiaqarpoq. Nalunaarusiami 2019-ip ingerlanerani Misimit suliat suliarineqarsimasut nalunaarsorsimapput, ilinniartitsisunik siunnersuinerit 97-t, perorsaasutut sulisunik siunnersuinerit 50-it kiisalu angajoqqaanik siunnersuinerit 170-it ingerlanneqarsimasut takussutissaallutik. Tamatuma saniatigut qanoq kikkullu Misimut saaffiginnissinnaanersut kiisalu Kommuneqarfik Sermersuumi

Misip kiffartuussinerit sorliit innuttaasunut neqeroorutigisarnerai nalunaarusiami nassuiaatigineqarpoq. Aammattaaq ukiumoortumik ”immikkut atuartitsisarneq” nassuiaatigineqarpoq, kiisalu 2019-imi suliasat allat Misimit suliarineqarsimasut.

2019-imi Misip suliat misissuiffigisassat utaqquisut ikilisarniarlugit sulissutigivai, tamannalu iluatsippoq. Ukioq kingulleq piffissami tassani utaqqineq qaammatit arfineq-marluk missaanniittartumut sanilliullugu, 2019-ip naanerani misissuinissamut utaqqineq qaammatinik sisamanik sivilissuseqarpoq.

2019-ip ingerlanerani Misi Paamiunut Tasiilamut, Tiilerilaamut Isertumullu tikeraarpoq, taakkunani siunnersuinerit ingerlanneqarsimapput, taavalu perorsaanermi tarnillu pissusiinik ilisimasalimmit misissuisoqarsimalluni.

Aaqqiissutissatut siunnersuut – suliatigut naliliineq

Ukioq 2019 Misimut ulapaarfiuvoq, ilaatigut aqutsisut sulisullu akornanni taarseraattoqarnera pissutigalugu. Tamakku saniatigut Misimit siunnersorneqarnissamik kissaateqarlutik saaffiginnittut amerlisimanerat Misimit malugineqarpoq. 2015-ip missaani Misimi suleriaaseq allanngortinneqarpoq; 2015-ip siorna Misip (saaffiginnittullu) meeraq ”ajornartorsiutitut” isigisarpaat, tamannalu arlalitsigut tarnip pissusaatigut paasinnittaatsimik misiliinermik kinguneqartarpoq. 2015-ip kingorna Misip eqqarsartariaaseq allanngortippaa imaalillugu ”ajornartorsiummik misigisaqartoq tassaavoq ajornartorsiutilik”. Tassa imaappoq, Misip saaffiginnittut, meeraq ulluinnarni ikiorsinnaanerussammassuk, perorsaanikkut iliuuserisinnaasaannik siunnersuisarneq pingaartinnerulerpaa.

2015-imiit siunnersuisarnerit pillugit kisitsisit atorlugit nassuiaasiomerit misissornerini takusinnaavarput suleriaatsit Misimit allanngortinneqarneri, perorsaanikkut sulisunit, ilinniartitsisunit angajoqqaanillu, tigulluarneqarsimasut, siunnersorneqarnissamik kissaateqartut arlaqarsimammata. 2019-imi Misip siunnersuinerit misissuinerillu saniatigut, pinaveersaartitsinerimut suliniutit pingaartinnerullugit ingerlassimavai. Taamatutaaq saaffiginnittartunit tigulluarneqarsimasut Misimit nalilerneqarpoq.

Aningaasatigut sulisoqarnikkullu naliliinerit

Saaffiginnittartut amerliartorneri, Nuummut nuuttartut amerliartorneri kiisalu Meeqqanut Inuusuttunullu tunngasuni annertunerusumik pinaveersaartitsiniutinik suliniuteqartoqarnissaanut politikikkut kissaateqartoqarnera tunngavigalugu Misimit suliasat pingaarnersiorneqartariaqarsimapput.

Inatsisitigut tunngavissaq allakkallu tunngaviusumik uppersaatitalit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq: § 5, imm. 3, 4).
- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq: §38, 4). Tassunga atatillugu suliarineqarsimavoq Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq.

- PPR-mik isumaqatigiissut; Kalaallit Nunaanni Kommunalbestyrelsit sinnerlugit KANUKOKA-mut isumaqatigiissutaasoq, tassani pineqarpoq kommuninut Perorsaanikkut Tarnip Pissusaatigut Siunnersuisarfik kiisalu meeqqat atuarfianni immikkut atuartitsisarneq aamma allamik immikkut ittumik perorsaanikkut atuarfimmu ikiorsiisarneq (Namminersorlutik Oqartussanit) 1. januar 2012-imit atuutilersaq.

Ingerlariaqqinnissaq

Misip misissuisoqarnissaanut utaqqineq sivikillisaaviginiarsarissavaa, saniatigulli pinaveersaartitsinissamut suliniutit amerlanerit neqeroorutiginiarlugit. Siusissukku iliuuseqarnikkut pinaveersaartitsinikkullu suliniutit amerlanerit Misimit neqeroorutigineqarnerisigut siunissami misissuinissamut utaqqisut ikinnerunissaat Misimit neriuutigineqarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Siusinnerusukku aalajangerit:

Meeqqanut Atuarfeqarnermullu Ataatsimiititap juunip 10-ni 2020-mi aalajangiinera:
Inassuteqaatit akuersissutigineqarput.

Ilanngussat

1. Ukiumoortumik nalunaarusiaq 2019

Punkt 05J: COVID-19 pillugu upalungaarsimaneq pillugu ilisimatitsissut

Beslutning

Inassuteqaat akuersissutigineqarpoq.

COVID-19 pillugu upalungaarsimaneq pillugu ilisimatitsissut

Ilisimatitsissut

J.nr.: 00.00.00-A00-8-20

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Coronamik ajornartoornerup kingunerisaanik kommune assigiinngitsunik arlalinnik suliniutinik aallartitsivoq, nalaataqarnermi sulianik aqutsinermut aaqqissuussarlu atulersillugu - nalaataqarnermi suliassanut atorfilittat. Nunarsuarmi sumiiffinni arlalinni soorlu takusimasatsit inuiaqatigiit ilungersunartorsiorput, suliniutillu taakku kiisalu nalaataqarnermi suliassanut atorfilittat tamarmik tamakkununga illersuutaassapput. Ilisimatitsissummi matumani nalaataqarnermi suliniutit nassuiaatigineqassapput, tuniluuqqaleqqinnissaanullu piareersaatit aamma nassuiaateqarfigineqassallutik.

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalborgbestyrelsimut ingerlateqqinneqassasoq

Suliassamik saqqummiussineq

Covid-19 pillugu immikkuullarilluinnartumik inissisimaneq pillugu Kommuneqarfik Sermersooq assigiinngitsunik suliniuteqarpoq, ajornartoornermi sulianik aqutsinermut aaqqissuussinerlu atulersillugu - ajornartoornermi suliassanut atorfilittat.

Taamatut inissisimatilluni kommunip aaqqissuussaanagerata inuiaqatigiinnut tunngaviummik kiffartuussinermik ingerlatsiinnarnissaa pingaaruteqarluinnarpoq. Taamaattumik taamatut inissisimatilluni kommune innuttaasunut oqartussanullu allanut pingaarutilimmik atuuffeqarpoq. Soorlu ilisimatitsissutigineqareersutut najoqqutassat, killilersuinerit, immikkut ittumik inatsisit assigisaallu tamarmik Naalakkersuisunit, Inatsisartunit imaluunniit Tunillaassortunik Nappaalanersuaqarneranut Ataatsimiititaliarsuarmit akuerineqartarput. Taamaattorli taakkununga aalajangersakkanut arlalinnut tunngatillugu malitseqartitsinerit allanguutaasut kommunimit atuutilersinneqartarput. Taamatut atuuffeqarnek Kommuneqarfik Sermersuumi allaffeqarfimmut attuumassuteqarpoq tulluartaullunilu, allaffeqarfillu ajornartoornerup kingorna suliniutinik arlalinnik aallartitsivoq. Taakkununga suliniutinit arlallit apriliip 21-anni ataatsimiititap ataatsimiinnerani ilisimatitsissutitut saqqummiunneqarput. Suliniutit taakku ilagaat, taakkuinnaangikkaluarlutik:

- Angerlarsimaffeqanngitsunut tupeqarfik,
- Qimarnguimmut tunngatillugu suliniutit annertusisat,
- Atuarfinnik meeqqerivinnillu matusineq ammaaqqinnerlu kiisalu nalaataqarnermi paaqqinniffissanik aaqqissuussineq,
- Imigassamik aalakoornartortalimmik tuniniaanerup unitsinnissaannut suliniut,
- Akiligassanik siusinnerusukkut akiliineq,
- Inuussutissarsiuteqartunut webinar (internetikkut isumasioqatigiinneq),
- Utoqqaat illuini najugallit illersornissaannut suliniutit,
- Aputaajaasernerup ingerlatiinnarneqarnissaa,
- Upalungaarsimanermut suliat ingerlateqqinneri,
- Corona.gl attaveqatigiinnermullu suliniutit allat,
- Suliffinnik allattorsimaffik,

- Namminersorlutik Oqartussallu ataqatigiissarineq,
- Kommunit allallu ataqatigiissarineq,

Taakku suliniuterpassuit ataqatigiissarneqarlutillu aaqqissorneqarput ingerlannaq aallartinneqarlutik, tassanilu ajornartoornermi suliassanut atorfilittat ingerlatsisuullutillu katersuuffiusimapput, nalilerneqarporlu kommunip aaqqissuussaana kiisalu ajornartoornermi suliassanut atorfilittat

ataatsimut isigalugu pissusissamisut ingerlasimasut. Taakku suliniuterpassuit, qanoq angusaqarfiutiginerinut kiisalu aningaasartuutaasut eqqarsaatigalugit paasinissaannut pingaaruteqarpoq taakku Kalaallit Nunaanni COVID-19-imik nappaalanermik tunillaassortoqaratarsinnaaneranut sioranermut atatillugu atuutilersinneqarmata. Naluneqanngitsutut tamanna pivoq qujanarluinnartumillu naatsorsuutigineqartutuunngitsaq, aalajangiinerilli atuutilersitsinerillu ingerlalluarsimaneri sulilu toqumik kinguneqartumik nappaalasoqaratarsinnaaneranut piareersimasuutitut ingerlanneqartussatut isigineqarnissaat eqqarsaatigineqassaaq. Nappaalanerup killilersimaarnissaanut tunngatillugu kommunip aqutsisui aallaqqaataaniilli angusaqarusussuseqarlutik periuseqarsimapput, taamaattumillu malittarisaq pingaarnertut sapinngisamik innuttaasut illersorneqarnissaat pillugu sapinngisamik annertunerpaamik iliuseqartarsimapput, naak taamaaliorneq aningaasartuutaanerusunik kinguneqartussaasimagaluartoq, tamannalu innuttaasut inuunerannik peqqissusaannullu navianartorsiortitsinikkut pinaveersaarneqarsinnaagaluartoq.

Aappassaanik pisoqassagaluarpat piareersaatit

Siuliini tunngaviit taaneqartut aappassaanik nappaat siaruaatissagaluarpat taamalu ajornartoornermut atatillugu suliqaarnissamut kommunip piareersaatissaannut aamma pingaaruteqarlunnarput. Tamatumani kommunip piareersarluarsimanissaa pingaaruteqarlunnarpoq, engerlunilu suliffeqarfiit allat, soorlu Naalakkersuisut imaluunniit Tunillaassortunik Nappaalanersuaqarneranut Ataatsimiititaliarsuaq, aalajangiissuteqarpata qisuariarsinnaaniassamat. Taamaattumik siulianit kommunip suleriaasissaani ilaanngitsunik kommune aalajangiussanik atuutilersitsisassaaq. Taamatut atuuffimmik kommunip tigusinera pissusissamisoorpoq, ajornartoornerlu pillugu Kalaallit Nunaanni pisortat ersoqatigalugit suliniuteqassaaq.

Aappassaanik pisoqassagaluarpat piareersaatit tassaapput, taakkuinnaangikkaluarlutik:

Aarlerinartorsiortut utoqqaat illuini namminnerlu angerlarsimaffimmini najugallit illersornissaannut suliniutit:

COVID-19-imut tunngatillugu inunnik annertusisamik aarlerinartorsiortunik attaveqarnissamut sullissinissamullu immikkut iliussissat.

Iliussissani aarlerinartorsiortut taakku tunillatsinnginnissaannut pinaveersaartitsinissaq siunertaavoq Iliussissani taakkunani illuatungaatigut sapinngisamik tunillaassuisoqannginnissaa pinaveersaartinneqassaaq, illuatungaatigullu inuit annertusisamik aarlerinartorsiortut ulluinnarni suliata ingerlateqqilernissaat pingaartinneqassaaq.

Atuarfiit meeqquerivillu:

Upalungaarsimanermut pilersaarutit pioreersut aaqqissuunneqassapput, aappassaanik tuniluuttoqarnissaanut matusinissamut ammaqinneqarnissaannullu misilittakkat tunngavigalugit.

Namineq angerlarsimaffiup avataani angerlarsimalluni mattusimaneq:

Nappaat siaruaakkaluarpat nakkutigineqarnissaanut atatillugu Nunatsinni Nakorsaaneqarfimmit tunillatsissimasoq "inissiamit amerlavallaanit inigineqartumit" angerlarsimaffiup avataani mattunneqarnissaa inassutigineqarpoq.

Inoqutigiit ataatsit periarfissat tamaasa misissoreerlugit allamik periarfissaaruppata, Kommuneqarfik Sermersooq innuttaasup angerlarsimaffiup avataanut angerlarsimaffimmi

mattusimanissaanut aaqqiissuteqarnissamut ikiuissaaq. Kommuniq illoqarfiini nunaqarfiinilu mattusimanissamut periarfissat kommunimit toqqartorneqarput.

Nunanit allanit angalasunut angerlarsimaannaqquusaasunut illusimatitsinerit:

Ammaaqqinnermut periusissatut akuersissutigineqartoq malillugu tikittut tikinnerminiit ullut tallimat angerlarsimaannaqquusaapput. Ullut tallimassaanni ilaasut coronavirusimut tunillatsissimanersut misissorneqartassapput, misissuinermilu tunillatsissimanngitsaq paasineqarpat, angerlarsimaannaqquusaaneq atorunnaassaaq. Ilaasut Nuuk aqqusaarlugu nunaqarfinnut ingerlaqqittussaasut pillugit angerlarsimaannaqquusaasunut illusimatitsinerit isumagineqassapput, Nuup avataani nunaqarfinni misissuisoqarsinnaannginnera pillugu.

Eqqiluisaarnissamut aaqqissuussineq:

Inuiaqatigiit ammaaqqinneqarnerannut atatillugu COVID-19-ip annertunerusumik siaruaannissaa naatsorsuutigaarput. Taamaattumik tunillatsissinnaaneq pinaveersaartinniarlugu sukannersumik nakkutigineqarnissaa suli pisariaqartinneqarpoq. Suli tunillatsinnaanermut atortut pingaarnersaat tassaapput ungasissuseq, assannik eqqiluisaartitsineq eqqiaanerlu, COVID-19-imillu tunillatsissimasoqartillugu tunillatsittoqarsimaneranillu pasitsaassisoqartillugu illersuutit atorneqartassapput. Qitiusumi aaqqiissuteqartoqarpoq eqqiluisaarnissamut aaqqissuussinikkut, tassani sulisunut paasititsiniaanermut ilinniartitsinermullu tunngasunik paasissutissanik ataqatigiissaarisooqartassaaq kiisalu illersuutitik pisiortortarnerit tamakkiisumik takuneqarsinnaassallutik agguanneqarlutillu.

Illup iluani/avataanut attaveqatigiinneq – Hotline (toqqaannartumik sianerfigineqarsinnaasoq)

Upernaami coronamik ajornartoornermi iluatsilluarnerpaat ilagaat kommunip iluani avataanullu sulisunut innuttaasunullu attaveqartarnera. Ajornartoornermi attaveqatigiinneq pingaaruteqarlunnarsimasoq nalilerneqarpoq, tassa tunillatsinnissamut annilaanganeq tunillaassuinermit annertunerusimammat. Tamanna pillugu Sermeeraq paasissutissiinernut ataavartumillu nutaarsiassanut saqqummersitsinernut atorneqarsimavoq, taamatuttaarlu corona.gl pilersinneqarluni. Taakku kanalit tunillaassuisoqaaqqilerpat soorunami atuutilersinneqaaqqissapput.

Hotline (Toqqaannartumik sianerfigineqarsinnaasoq):

Sulisunit aqutsisuniillu apeqquaterpassuit pissutigalugit hotlinimik pilersitsisoqarpoq, taannalu ajornartoornermi suliassanut atorfilittanit iliuuseqarnermut immikkoortortamit akineqartarpoq. Naak hotline annertuumik piffissamik atuiffiugaluartoq piffissaq atorluarneqarpoq, apeqqutitik ernumassutinillu akissuteqartarmat kiisalu pisortaqatigiit nalunaarutaannut tapertaasarluni.

Kommunit allat peqatigalugit ataqatigiissarineq:

Upernaaq manna coronamik ajornartoornermi iluatsilluartut alla tassaavoq kommunit tallimat akornanni qanimut attaveqatigiittarneq pilersinneqarsimasoq. Annertuumik paasissutissiisoqartarsimavoq, kommunillu assigiinngitsut akornanni qullersani annertuumik ataqatigiissaarisooqarsimavoq, inuussutissarsiuteqarnermut tunngasunik, upalungaarsimanermut illersuutitut tunngasunik il.il.

Soorunami maannakkut kommunit akornanni ataqatigiissarinerit annikillinikuupput, ingerlatseqqinnissamulli tamarmik piareersimapput, aallartinneqaaqqissallutillu

ajornartoortoqaqqissagaluarpat. Pingaaruteqarluinnartut ilagaat maanna kommunini borgmesterit kommunaldirektørillu akornanni paaseqatigiilluinnarnissaq ataqatigiissititsinissarlu.

Eqikkaaneq

Inaarutaasumik kommune aappasaanik COVID-19-eqartoqarnissaanut piareersarluarsimasoq nalilerneqarpoq..

Tassungali ilutigalugu tamanut erseqqissaatigineqassaaq ajornartoornerit tamakku 100%-imik piareersarfiginissaat ajornakusoorsinnaasoq. Misilittakkat takutippaat ataqatigiinneq ataatsimoorlunilu siunniussaqaarneq pingaaruteqarluinnartoq, tassa gummigediniit pisortat allaffiitut ilanngullugit pineqaraluarpata. Taamatuttaaq oqartussaqaarfinnik suleqateqarnermik aamma oqartussaaffiit assigiinngitsut akornanni suleqatigiissinnaanermik upperinninneq iluatsilluarnissamut pingaaruteqarpoq. Taakku siunissami ajornartoornermi pingaarnertut attaneqassapput. Taamatuttaaq misilittakkat takutippaat COVID-19-imik sioranermut innuttaasut tamarmik illersorneqartariaqartut, illersuinissarlu kommunimit pingaarnepaajuassaaq kingusinaarluni eqqarsaatiginnilluarnermi assuarineqarnissaq taamatut pingaarnersiutinissamut sunniuteqartariaqanngilaq.

Aningaasatigut sulisoqarnikkullu naliliinerit

Suliniutit taakkartorneqartut arlallit soorunami kommunimut aningaasatigut kinguneqartitsipput. Taamatut ajornartoornermut akiligassaaq annikinngilaq, maannalu aningaasatigut annertuumik kinguneqalereerluni. Missingersuutit atuinerlu qanimut pisortaaqatigiinnit malinnaaffigineqarput, taamatullu ineriartorerup ilutigalugu aningaasaqarnikkullu missiliutit iluarsaanneqartuutarput. Tamatuma saniatigut TB1-imut atatillugu immikkoortut tamarmik sipaaruteqarfiusinnaasut misissorneqarput.

Ingerlariaqqinnissaq

Suliassamut saqummiussinermi ilanngunneqarput.

Aningaasaqarnermut Allatseqarfimmit oqaaseqaatit

Oqaaseqaateqanngillat

Innuttaasunik peqataatitsineq/attaveqaqatigiinneq

Sapinngisamik amerlanerpaanut nittartakkatigut, tusagassiuutinut nalunaaruteqarnikkut inuit attaveqaqatigiittarfiatigullu ataavartumik paasititsiniaasoqartarpoq.

Ingerlatsivinnit allaniit oqaaseqaatigineqartut

Oqaaseqaateqartoqanngilaq.

Ilanngussat

Soqanngilaq.

Punkt 05K: Inuusuttut Kommunalbestyrelsiata innersuussutaasa killiffii

Beslutning

Inassuteqaat akuersissutigineqarpoq.

Bilag

Inuusuttut Kommunalbestyrelsiata malittarisassai

Inuusuttut Kommunalbestyrelsiata innersuussutaasa killiffii

Ilisimatitsissut

J.nr.: 00.01.

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Suliamik saqqummiussisummi matumani Inuusuttut Kommunalbestyrelsiata (Inuusukombest) pingaarnersiorlugit innersuussutaat pingasut 2019-imut tunngasut saqqummiunneqarput, siullertut: meeqqanut inuusuttunullu sammisassat amerlanerusut; atuarfimmi atuartitsinerup pitsaassutsimik qulakkeerneqarnissaa, aamma meeqqat inuusuttullu aneerfigisartagaasa toqqissisimanartuunissaannik qulakkeerineq.

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititamat inassuteqaatigaa:

- Inuusuttut Kommunalbestyrelsiata inassuteqaataanik malitseqartitsilluni suliaq tusaatissatut tiguneqassasoq,
- suliaq Kommunalbestyrelsimut ilisimatitsissutigineqartussatut ingerlateqqinneqassasoq

Suliassamik saqqummiussineq

Inuusukombest manna tikillugu inuusuttunik 21-nik, 12-iniit 14-inut ukiulinnik ilaasortaqluni ingerlanikuuvoq. Ilaasortat illoqarfigisaminni imaluunniit nunaqarfigisaminni, tassa Paamiuni, Nuummi, Ittoqqortoormiini, Tasiilami kiisalu nunaqarfigisaanni meeqqat inuusuttullu sinnerlugit oqaaseqartartuupput.

Inuusukombestip ukiumoortumik aappasaanik qinigaaffimminni ataatsimiinnerannut, 2019-imi ukiumoortumik ataatsimiinnermi, inuusuttut nunarsuaq tamakkerlugu meeqqanut inuusuttunullu anguniakkanik qitiutitsipput, Kommuneqarfik Sermersuup Nunarsuaq tamakkerlugu anguniakkat pillugit periusissiaa naapertorlugu:

- Nunarsuarmi anguniagaq 3: Peqqinneq inuunerissuunerlu (Peqqissumik toqqissisimasumillu peroriartorneq).
- Nunarsuarmi anguniagaq 4: Pitsaassusilimmik ilinniagaqarneq (Meeqqat ilinniaqqinnissaminnut piareersimasut amerlanerit).
- Nunarsuarmi anguniagaq 17: Iliuseqarnissamut suleqatigiinnissaq (Siunissaq ataatsimoorullugu).

Ukiumoortumik ataatsimiinnissaq sioqqullugu inuusuttut nunarsuaq tamakkerlugu aallartitatut ingerlatsinissaannik suliakkerneqarput, namminerlu illoqarfimminni nunaqarfimminnilu meeqqanik inuusuttunillu oqaloqatiginneqquneqarlutik. Oqaloqatigiinnerni arlaqartuni inuusuttut ilaasortat innersuussutaasa amerlasuunik toqqammaveqarnissaat `pitsaasumik meeqqatut inuusuttutullu inuuneq` aammalu `ulloq atuarfik pitsaasoq` sunaanersut tunngavigalugit, meeqqat inuusuttullu isaannit isigalugit suunersut qulakkeerneqarpoq.

Meeqqatut inuusuttutullu pitsaasumik inuuneq eqikkarlugu tassaapput: toqqissisimaneq isumassuinerlu; ataatsimoorneq ataqatigiinnerlu; meeraaneq pinnguarnarlu inissaqartillugit; inersimasut paarsisut; aammalu pitsaasumik atuarneq. Inuusuttut isaannit isigalugu pitsaasumik atuarneq tassaavoq: klassimi tikilluaqqusaasutut misigisimaneq; atuartut ilinniartitsisullu piareersarluarsimasut; ukkassinissamut eqqissisimasoqaraangat; aammalu atuarnermi

nuannisarnissamut pilersitsinissamullu inissaqartitsisoqaraangat.

Tamanna tunngavigalugu ilaasortat innersuussutinik arlalinnik suliaqarput, taakkunannga pingasut piingaarnepaatut inissineqartut taasissutigineranni ingerlateqqinneqarlutik, Kommunalbestyrelsimullu ilaasortanut najuuttunut saqqummiunneqarlutik.

Innersuussutigineqartut tassaapput:

a) *meeqqanut inuusuttunullu sunngiffimmi neqeroorutit.*

Meeqqat inuusuttullu peqqissusiat pitsaasumillu inuuneqarnerisa siuarsarneqarnissaat sammillugu, iloqarfinni nunaqarfinnilu meeqqanut inersimasunullu, inuusuttut sunngiffimmi sammisassat amerlanerunissaannik ujartuipput. Inuusuttut kissaatigisaat pingaarnertut tassaapput meeqqanut mikinernut pinnguartarfiit (pitsaanerusut), meeqqanut inuusuttunullu anginernut sunngiffimmi klubbit, aamma naluttarfik, basketballertartut taavalu atuarfimmi atuakkanik atorniartarfik, taamaattumik peqartoqariinngitsuni. Aamma kissaatigineqarpoq sunngiffimmi neqeroorutit unnukkut kingusippallaakut inissineqannginnissaat, taamaassappat innareernerup kingorna pissammata. Aamma inuusuttut pingaartillugu oqaatigaat, sunngiffimmi sammisassani eqqortunik atortulersuisoqarnissaa.

b) *atuarfimmi atuartitsinerup pitsaassusianik qulakkeerineq.*

Pitsaasumik atuarnissaq qulakkeerniarlugu, atuarfimmi atuarnep pitsaassutsikkut qulakkeerneqarnissaa inuusuttut ujartorpaat. Pingaartumik ilinniartitsisunik ilinniarsimasunik peqannginnera, vikarillu taarseraannerujussui ilungersunartutut eqqaavaat, tamatumani atuartitsineq naammaginangitsutut misigalugu. Aamma inuusuttut sulianut tunngatillugu pilersitsinissamut tunngasunik inissaqartitsinerunissaa kissaatigaat, assersuutigalugu immikkut suliaqarnernik, aammalu tiimini saqqummiusseriaatsinut tunngasunik.

c) *meeqqat inuusuttullu toqqissisimallutik silamiissinnaanerat qulakkeerneqassasoq .*

Inuusuttut erseqqissaatigaat, taamatut ajornartorsiuteqarnermut sunngiffimmi sammisassanut klubbinullu attuumassuteqartoq. Meeqqat inuusuttullu sammisassaqaanngikkaangamik perullulioartarneri aammalu meeraqatiminnik inuusuttoqatiminnillu akornusersuisarneri misigisarpaat. Aamma inuusuttut immikkut kissaatigaat pinnguartarfinni allanilu meeqqat inuusuttullu ornigartagaanni ernguttoqartarnera inerteqqutigineqalissasoq, taamatullu inerteqquteqarneq pimoorullugu malitsinneqassasoq.

Aaqqiissutissatut siunnersuut – suliatigut naliliineq

a) *Peqqinneq Sunngiffillu pillugit immikkoortortamit aammalu Kulturilerinermut Aaqqissuussinermullu immikkoortortamit meeqqanut inuusuttunullu sunngiffimmi sammisassanik amerlanerusunik kissaateqartoqarneranut siunnersuutit.*

Inuusuttut Kommunalbestyrelsiata sunngiffimmi sammisassanik amerlanerusunik eqaannerusumillu aaqqissuunneqartunik peqarnissaanik kissaateqarnera Peqqinneq Susasaqartitsinerlu pillugit immikkoortortamut aammalu Kulturilerinermut Aaqqissuussinermullu immikkoortortamut eqqartorneqarnikuupput. Sunngiffimmut tunngasuni assigiinngitsunik aaqqissuussisulerluni, nutaaliorluni eqaannerusumillu ilusilersukkamik Ingerlatsiviit aallartitseqqammerput. Inuusuttut siunnersuutaat aaqqissuussinermut nutaamut ilanngunneqassapput.

b) *Atuarfimmi atuartitsinerup pitsaassutsimik qulakkeerneqarnissaanik kissaateqarnermut tunngatillugu Meeqqanut Atuarfeqarnermullu Ingerlatsiviup paasissutissiissutigaa*
Meeqqanut Atuarfeqarnermullu Ingerlatsivik pitsaassutsimik nalunaarusiornikuuvoq, makkuninnga imalimmik:

- oktobarip aallaqqaataani aamma juulip aallaqqaataani nalunaarutiginninnerit,
- atuartitsinerup ajornartorsiutit atuarfinni ulluinnarni nalaanneqarsinnaasut pillugit atuarfiit pisortaannik oqaloqateqarnerit suleqateqarnerillu.

Ukiup tulliani atuarfiit pilersarusiornissaannut ingerlatsiviup najoqqutassaliornerani, atuartitsinerup pitsanngorsarneqarnissaanut atugassanik atuarfinni pisortat qinnuteqaatigisartagaat maleqqissaarlugit suliniuteqartoqartarpoq. Tamatuma kingorna ingerlatsiviup immikkut eqqumaffigivai atuartitsinerup tunngasunik ineriartortitsinerup suut sammineqarnerussanersut qiteritippai, taakkununga ilanngullugit 3. klassini 7. klassenilu atuartut. Trintestit inerneru klassini ataasiakkaani ataasiakkaat atuartinneqarnerinik pitsanngorsaatit atorneqassapput.

Atuarfinni sumiiffinni tamani ilinniartitsisunik ilinniarsimasunik pissarsiortarneq suliaqarnartorujussuusarpoq.

Ulluinnarni atuartitsinerup akisussaaffik atuarfinniippoq, taakkunani atuartitsineq inatsisit naapertorlugit ingerlanneqarnerisooq atuarfimmi pisortat qulakkiigassaraat.

Ingerlatsivimmiit atuarfiit nalunaarfigeqqaarnagit nakkutilliarforfigineqartarput.

c) *meeqqat inuusuttullu toqqissisimallutik silamiissinnaanerat qulakkeerneqassasoq .*

Meeqqat inuusuttullu toqqissisimasumik silamiittarnissaannik qulakkeerisoqarnissaanik Inuusukombestimi ilaasortat namminneq siunnersuutigaa, illoqarfinni tamani Unnuarissat aqqusinerni takussaanerulernissaat. Ungasinnerusooq eqqarsaatigalugu susassaqtitsinerup tunngasut kivinneqarpata (aaqqiissutissatut siunnersuutit takukkit)) ajornartorsiommik aamma pitsaaliueqataaffigineqarsinnaavoq.

Aningaasatigut sulisoqarnikkullu naliliinerit

Aningaasartuuteqartoqassappat ingerlatsiviit missingersuutaasa iluanni aningaasartuuteqartoqassaaq.

Inatsisitigut tunngavissaq allakkallu tunngaviusumik uppersaatitallit

- o Inuusuttut Kommunalbestyrelsiata malittarisassai, Kommunalbestyrelsip februaarip 25-anni 2020-mi aalajangiinera naapertorlugi naleqqussarneqartut
- o Naalagaaffiit Peqatigiit meeqqat pisinnaatitaaffii pillugit isumaqatigiissutaat
- o Kommuneqarfik Sermersuup Nunarsuarmi anguniagaanut periusissiaq

Ingerlariaqqinnissaq

Inuusuttut Kommunalbestyrelsiannut ulloq 3. septembarip 2020 qinersisoqassaaq.

Aningaasaqarnerup Allatseqarfiimmit oqaaseqaatit

Aningaasaqarnerup Allatseqarfiimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqatigiinneq

Soqanngilaq.

Ingerlatsivinnit allaniit oqaaseqaatigineqartut

Ingerlatsiviit pineqartut siunersiorneqarnikuupput; Peqqinneq Susasaqartitsinerlu, Kulturi Aaqqissuussisarnerlu kiisalu Meeqqanut Atuarfeqarnermullu Ingerlatsivik.

Ilanngusaq

1. Inuusuttut Kommunalbestyrelsiata malittarisassai

Punkt 05L: Nuummi E-sporterneq

Beslutning

Inassuteqaat amerlanerussuteqartunit akuerissutigineqarpoq.

Nuummi E-sporterneq

E-sportertarfinnik pilersitsineq

Aalajangiiffigisassaq

J.nr.: 01.02.01

Suliffeqarfimmut Kiffartuussivik – Lars Møller Sørensen / LMS

Suliassamik eqikkaaneq Nuummi 2020-mi sunngiffimmi neqeroorutinut ilaatillugu e-sportscenteriliortoqarnissaa siunnersuutigineqarpoq. Qarasaasiat e-sporternermut atugassat sunngiffimmi ornittakkani pioreersut ilaanni ikkussorneqassapput. Taamaalilluni qarasaasiat qarasaasiakkut spillinut nalinginnaasunut inuusuttunit atorneqarsinnaassallutik, e-sporternermullu aamma inuusuttunit spilleqatigiinnissamut sungiusaatitulluunniit atorneqarsinnaassallutik.

Suliaq Meeqqanut Atuarfeqarnermullu Ataatsimiititap ataatsimiinnerani oqaluuserineqarpoq ulloq juunip 10-iani 2020 mi ataatsimiititap innersuussut akuersissutigaa suliarlu Aningaasaqarnermut Inuusutissarsionermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqillugu.

Inassuteqaatit

Meeqqanut Atuarfeqarnermullu Ataatsimiititap Aningaasaqarnermut Inuusutissarsionermullu Ataatsimiititamut inassuteqaatigaa:

- Nuummi sunngiffimmi neqeroorutinut ilanngullugu ukioq manna e-sportertarfinnik pilersitsisoqarnissaa akuerineqassasoq
- suliaq aalajangiiffigisassatut Kommunalbestyrelsimut ingerlateqqinneqassasoq

Suliassamik saqqummiussineq

Allafeqarfimmiit siunnersuutigineqarpoq, Nuummi klubbit pioreersut ilaanni e-sportertarfimmik pilersitsisoqassasoq. Qarasaasiat atorneqarsinnaasut aamma e-sport Nuummi sunngiffimmi sammisassaqartitsinermut ilanngullugit neqeroorutinngortinneqarsinnaapput. Taamaalillunilu sunngiffimmi ornittakkani atuisut qarasaasiakkut spillernermut qarasaasianik atuisinnaassallutik, periarfissaassallunilu e-sporteqatigiinnissaq sungiusaqatigiinnissarlu.

Aaqqiissutissatut siunnersuut – suliatigut naliliineq

Ukiuni kingullerni e-sportip unammissutigineqartarnerata akuerineqaleraluttuinnarnera ilutigalugu e-sport soqutigineqaleraluttuinnarpoq. Sunngiffimmi ornittakkani inuusuttunut neqeroorutigineqartut ullutsinnut malinnaanissaat soqutiginaruunissaallu pingaaruteqarpoq, tassuuna qulakkeerniarlugu sunngiffimmi ornittakkat neqeroorutaat orniginartuunissaat. Kommunimi sunngiffimmi ornittakkani neqeroorutini e-sporterfarfimmik pilersitsineq neqeroorutitigut nutarterinerussaaq. Aammattaaq inuusuttunut e-sportiuungikkaluartumik computerspilinik soqutigisalinnut ullumikkullu klubbini neqeroorutaareersunik sammisassanut soqutigisaqarpallaanngitsut, orniguttalersinneqarsinnaapput.

Klubbini neqeroorutaareersut ilaattut 2020-mi e-sportertarfimmik pilersitsisoqassasoq siunnersuutigineqarpoq. E-sport centerip inissisimaffissaanut internetsikkut attavitigut pitsaassuseq apequtaatinneqassaaq. Internetsimummi attavik qarasaasiakkut assigiinngitsunik spillertoqarsinnaanissaanut aamma spilleqatigiinnissamut unammeqatigiinnissamullu pingaaruteqarpoq.

Qarasaasiat inuusuttut kisimiillutik spillersinnaanissaannut sungiusarnissaannullu aamma inuusuttut iligiikkaarlutik e-sporteqatigiissinnaanissaannut sungiusaqatigiissinnaanissaannullu atorineqarsinnaassapput.

Qarasaasiat 10-13-it piniarneqassasut siunnersuutigineqarpoq. Qarasaasiakkut spillit nuannarineqarnerpaani iligiit ataatsit qassiusinnaanerit aallaavigalugu qarasaasiat amerlassusilerneqarput. Qarasaasiat quliuppata qarasaasiakkut spillini nuannarineqarnerpaani iligiikkaartut marluk ataatsikkut spillersinnaassapput. Spillertussat tamarmik qarasaasiassaqaarnissaat qulakkeerniarlugu innersuussutigineqarpoq, qarasaasianik 13-inik pisinissaq, teknikkikkut ajornartorsiuteqariataarnermi qarasaasiap taarserneqarsinnaanera periarfissaaniassammat.

Aningaasatigut sulisoqarnikkullu naliliinerit

2020-mi e-sportimut atortulersuinissamut aningaasat missingersuutaareersuni nassaarineqassapput. E-sportimut atortorissaarutisinissamut pisinermi aningaasartuutit Peqqinneq Sammisassaqaqtitsivimmiillu akilerneqassapput . Qarasaasiat 10-13-it atortorissaarutillu allat pisiarineri 150.000-200.000 koruuninik akeqarnissaat naatsorsuutigineqarpoq. Taakku saniatigut ingerlatsinerimut aserfallatsaaliinermullu qaammammut aningaasartuutit 1000 koruuniunissaannik missiliorneqarput.

Inatsisitigut tunngavissaq allakkallu tunngaviumik uppersaatitalit
Soqanngilaq

Ingerlariaqqinnissaq

Atortorissaarutininik pisinissamut aserfallatsaaliornissaannullu Peqqinneq Sammisassaqaqtitsivillu tassunga tunngasunik ilisimannilluartumik oqaloqatiginninnerit ingerlappai. Siunnersuut akuersissutigineqassappat atortorissaarutininik pisineq, e-sportertarfiliorneq aamma sunngiffimmi sammisassaqaqtitsinermi feriallu nalaani neqeroorutininik tunngasut Peqqinneq Sammisassaqaqtitsiviup isumagissavai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaqtitsisoqanngilaq.

Innuttaasunik peqataatitsineq/attaveqatigiinneq

Atortuninik toqqaaniarnermi inuusuttut e-sportimik soqutigisallit akuutinneqassapput. Tassuuna qulakkeerneqassalluni, atortorissaarutininik pisineq inuusuttut kissaatigisaannut pisariaqaqtitaannullu sapinngisamik naapertuuttuunissaat. Spillerfissallu taamaalillutik inuusuttunut orniginarsartinneqassallutik.

Ingerlatsivinnit allaniit oqaaseqaatigineqartut

Suliassamik saqqummiussaq una Meeqqanut Atuarfeqarnermullu Ingerlatsivik qanimut suleqatigalugu suliarineqarpoq.

Siusinnerusukkut aalajangernerit:

Meeqqanut Atuarfeqarnermullu Ataatsimiititap juunip 10-ni 2020-mi aalajangiinera:
Inassuteqaatit akuersissutigineqarput.

Ilanngussat

Soqanngilaq

Punkt 05M: Ataatsimiititat angalanissaat pillugit eqqartuineq

Beslutning

Aningaasaqarnermut Inuussutissarsiornermullu Ataatsimiititap angalanissat marluunissaat atatiinnarneqarpoq. Siullertut Ittoqqortoormiunut aappaattut Paamiunut (Arsuk ilanngullugu).

Bilag

Ataatsimiititat angalanissaannut pilersaarut

Ataatsimiititat angalanissaat pillugit eqqartuineq

Aalajangiiffigisassaq

J.nr.: 01.02

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Ataatsimiititat ukiut tamaasa marloriarlutik ataatsimiititatut angalasinnaapput. Ukioq 2020-mi ataatsimiititat ataavartut kommunip killeqarfiata iluani ataasiarlutik angalasinnaapput aamma kommunip killeqarfiata avataani ataasiarlutik angalanissamut periarfissaqarput, taavalu Aningaasaqarnermut Inuusutissarsiornermullu Ataatsimiititaq kommunip killeqarfiata iluani marloriarluni angalasinnaalluni.

Ukioq 2020-mi ataatsimiititat arlaannaalluunniit angalanikuunngillat.

Sanarfinermut Avatangiisinullu Ataatsimiititap 2020-mi maajip sisamaanni ataatsimiinnermini 2020-mi ataatsimiititap angalanissai ataatsimut ikilisinneqassasoq aalajangiuppaa.

Suliffeqarnermut Isumaginninnermullu Ataatsimiititap 2020-mi maajip tallimaanni ataatsimiinnermini 2020-mi ataatsimiititap angalanissai ataatsimut ikilisinneqassasoq aalajangiuppaa. Taamaattorli suliaq aggustimi eqqartorneqaqqissaaq.

Meeqqanut Atuarfeqarnermullu Ataatsimiititap 2020-mi maajip arfernani ataatsimiinnermini 2020-mi ataatsimiititap angalanissai ataatsimut ikilisinneqassasoq aalajangiuppaa.

Meeqqanut Ilaqutariinnullu Ataatsimiititap 2020-mi maajip arfineq-aappaanni ataatsimiinnermini 2020-mi ataatsimiititap angalanissai ataatsimut ikilisinneqassasoq aalajangiuppaa. Taamaattorli suliaq kingusinnerusukkut eqqartorneqaqqissaaq.

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititamut inassuteqaatigaa:

- ataatsimiititat 2020-mi angalanissaat marlunniit ataatsimut ikilisinneqassanersut ataatsimiititamit aalajangerneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Ataatsimiititat ukiut tamaasa marloriarlutik ataatsimiititatut angalasinnaapput. Ukioq 2020-mi ataatsimiititat ataavartut kommunip killeqarfiata iluani ataasiarluni angalasinnaavoq aamma kommunip killeqarfiata avataani ataasiarluni angalanissamut periarfissaqarpoq, taavalu Aningaasaqarnermut Inuusutissarsiornermullu Ataatsimiititaq kommunip killeqarfiata iluani marloriarluni angalasinnaalluni.

Ukioq 2020-mut missingersuusionermut atatillugu Kommunalbestyrelsip aalajangerpaa ataatsimiititat ataatsimoorlutik angalasassasut. Ataatsimiititat marluk ataatsimuussapput, ataatsimoorlutillu angalaqatigiillutik.

Aaqqiissutissatut siunnersuut – suliatigut naliliineq

Maannakkut COVID-19-ip ajornartoortitsinera aallaavigalugu 2020-milu upernaakkut suliat ikilinerat pissutigalugu, ataatsimiititat suli angalanikuunngillat.

Tamanna eqqarsaatigalugu, inassuteqaatigineqarpoq 2020-mi angalanerit marlunniit ataasiinnangortissanersooq ataatsimiititap aalajangissagaa.

Aningaasatigut sulisoqarnikkullu naliliinerit

Aningaasaqarnermut Inuussutissarsiornermullu Ataatsimiititap angalanissaanut 175.000-it immikkoortinneqarnikuupput aammalu ataatsimiititap ataavartut tamarmik immikkut ataatsimiititap angalanissaannut 125.000-it immikkoortinneqarnikuullutik.

Aningaasaqarnermut Inuussutissarsiornermullu Ataatsimiititap Ittoqqortoormiiliarnissaralua taamaatinneqarmat, ataatsimiititap angalanissamut 60.000 kr.-ninik utertinneqarsinnaanngitsunik atuereersimavoq.

Suliffeqarnermut Isumaginninnermullu Ataatsimiititap aammalu Meeqqanut Atuarfeqarnermullu Ataatsimiititap Alaskaliarnissaa aamma taamaatinneqarpoq. Angalatitseqatigiiffiup nalunaarutigaa, aningaasartuutaasimasut amerlanersaat utertinneqarsinnaasut. Maannakkorpiaq ataatsimiititap angalanissaminnut 150.000 kr.-it utertinneqarsinnaanngitsut atoreersimavaat.

Angalatitseqatigiiffiup suli 100.000 kr.-it utertinneqarnissaat, taakkualuunniit ilaannaasa utertinneqarnissaat pillugu uppernarsaatit utaqqivai. Imaappoq, ataatsimiititap 150.000 aamma 250.000 kr.-it ataatsimiititap angalanissaannut atoreersimavaat.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlariaqqinnissaq

Ataatsimiititap aalajangerera piviusunngortinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimangilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangiinerit:

Sanarfinermut Avatangiisinullu Ataatsimiititap 2020-mi maajip sisamaanni ataatsimiinnermini 2020-mi ataatsimiititap angalanissai ataatsimut ikilisinneqassasoq aalajangiuppaa.

Suliffeqarnermut Isumaginninnermullu Ataatsimiititap 2020-mi maajip tallimaanni ataatsimiinnermini 2020-mi ataatsimiititap angalanissai ataatsimut ikilisinneqassasoq aalajangiuppaa. Taamaattorli suliaq aggustimi eqqartorneqaqqissaaq.

Meeqqanut Atuarfeqarnermullu Ataatsimiititap 2020-mi maajip arfermani ataatsimiinnermini 2020-mi ataatsimiititap angalanissai ataatsimut ikilisinneqassasoq aalajangiuppaa.

Meeqqanut Ilaqutariinnullu Ataatsimiititap 2020-mi maajip arfineq-aappaanni ataatsimiinnermini 2020-mi ataatsimiititap angalanissai ataatsimut ikilisinneqassasoq aalajangiuppaa. Taamaattorli suliaq kingusinnerusukkut eqqartorneqaqqissaaq.

Ilanngussat

1. Ataatsimiititap angalanissaannut pilersaarut

Punkt 6: Taasariaqartut allat

Beslutning

Peter Davidsen (Siumut):

Nuummi Aalisatut Piniartullu peqatigiiffii piaarnerpaamik ataatsimeeqatigineqarnissaat kissaatigalugu oqaaseqarpoq.

Borgmesterip angalanissaai siusinaartumik ersarissumillu kommunalbestyrelsimut nalunaarutigineqartarnissat pillugu oqaaseqarpoq.

Punkt 7: Lukket

Punkt 07A: Lukket

Punkt 07B: Lukket

Punkt 07C: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 16.02.